

Small white rectangular mark or label on the right edge.

Small white rectangular mark or label on the right edge.


Small white rectangular mark or label on the bottom left corner.

Small white rectangular mark or label on the bottom right corner.

卅九

六

正德元年二年



Handwritten marks or scribbles at the bottom left corner of the left page.

Handwritten marks or scribbles at the bottom right corner of the right page.

國權

鹽官談遷孺木著

武宗承天達道英肅睿哲昭德顯功宏文思孝毅皇帝御諱厚

孝宗敬皇帝嫡長子也母皇后張氏弘治辛亥九月 生明

年三月立為皇太子戊午既冠出閣就學受書甚習能識宮

僚名氏或偶不入直必問其故當輟朝日學士某悞束花帶

語左右曰是在朝且被糾矣其聰穎類此 孝宗教幸春坊

閱所業迎送如禮甚愛之游幸必從 間好騎射

孝宗顧命輔臣極稱 上質美善輔之辛卯 大行賓天壬

辰頒遺詔

癸巳罷營軍工役

南京兵部右侍郎金澤為南京右都御史秩滿雖吏部前具題而諒陰遽命下物論囂然

甲午寧夏衛及廣武營地震百刻木星晝見

乙未禮部左侍郎李傑欽天監副倪謙擇山陵

丙申夜月犯房宿金木合於星宿

己亥下太監張瑜太醫院使施欽院判劉文泰御醫高廷和

等於錦衣獄 先帝禱雨觸寒瑜等不診視遽藥之鼻血致

大故英國公張懋及給事中王宸薛金御史陳世良等劾其

罪廷鞫

壬寅 上即皇帝位詔曰維 我皇誕受天命為天下民物

主 祖宗列聖鴻規大訓傳在子孫 皇考嗣統十有八年

深仁厚德覃被海內治化之盛在古罕聞間復憫念民窮勵

精新政訪求利弊方將大有興章綸音未布遽至彌留叩地

籲天無所逮及天下之慟矧予一人此者親承遺命謂主器

不可久虛而宗親文武群臣軍民耆老累箋勸進拒之至再

情益懇切永惟宗社重寄不敢固辭謹以是月十八日祇告

天地宗廟社稷即皇帝位顧國家創造之艱眇躬負荷之重
惟正道是遵惟古訓成憲是守率皇考未終之志擴而行
之康我兆民登於至治其以明年為正德元年大赦天下與
民更始所有合行事宜條列於後云云於戲天位至重民事
至艱尚賴中外臣僚協心匡輔以裨朕之不逮用克紹先業
共保億萬年無疆之休誕告萬方咸使知悉正德曾見西夏
主乾順吏部試
選人論有宰相須用
讀書人以刺時宰
建寧大水壞城舍
乙巳減莖儀冥器

丁未令太監扶安李興覃觀禮部右侍郎王莘

少卿吳

吳詳定山陵

戊申大舉寇宣府屯牛心山黑柳林列營二十里巡撫李
進總兵張俊令分兵軍新河柴溝凡萬五千人已毀垣入
左叅將李稽迎戰副總兵白玉黃鎮萬全右衛游擊張雄大
同游擊將軍穆榮各拒於虞臺嶺縱數千騎嘗我軍玉置
營高阜笑曰彼自處乾地可立敗也乃合營圍我絕汲道
止留隘地一隅張俊不知其計以三千人至萬全右衛城左
墜馬傷足援兵都指揮曹泰至應州鹿角山玉等被圍絕飲

食掘井十餘丈不得泉飲馬溲而阻其矢會大雨雹以救解
入後營籍玉亦潰圍而出獨雄榮阻山間遇害喪卒二千一
百六十五人失馬六千五百餘匹他物稱是俊等退躡其
後僅得入萬全右衛城告急命都指揮陳雄張澄俱為右叅
將各率京營二千人往又告急復命都督李俊神英充叅將
各二千人往人賜二金布二疋至宣府城下出懷中餅及
麻布冠示人曰此何物也蓋謀入京得之閹禁不嚴如此
嚴從簡曰按此漢勝衰之候我國家養兵百年極盛而
燔一大變也合宣大之良職於一旦至今六十餘年而創
瘡之疾呻吟之聲徃在入耳目遑軍緣此逡巡畏敵無
復迎戰矣

己酉右通政王玉降大醫使張瑜劉文泰等論死坐結交內
官律不用合和御藥大不敬正條卒脫死

庚戌太監苗逵監軍保國公朱暉為征將軍總兵官右都
御史史琳提督軍務太監張林理神鎗砲銃都督同知李俊
都督僉事神英為左叅將都指揮陳雄都指揮僉事張澄為
右叅將禦宣府戶部右侍郎王儼兼右僉都御史治餉
辛亥太白經天

壬子禮部尚書張昇請嚴宮殿門之禁并逐真人陳應禎等
西番灌頂大國師那卜堅叅及班丹羅竹等奪印誥追賞賜
從之

益苗達京兵六千人命武定侯郭良懷寧侯孫應爵練營兵
待援仍博舉勇略

六月甲寅朔募宣府土兵禦

乙卯山上御西角門視事百官奉慰

都督李杲都指揮劉祥為游擊將軍各率兵五千赴宣府

兵部尚書劉大夏英國公張懋及給事中御史覈團營

丙辰翰林侍講張潔為侍讀學士檢討石珪為脩撰

兩廣左都御史潘蕃太監韋經總兵毛銳合兵十萬八千餘
人分六哨抵其巢濬死斬首四千七百九十級後廣西右

布政使馮鎬言土兵道掠甚於岑濬乞後不得輕調下兵部
秦寧等衛達滿蠻等為所侵避內地命撫卹之

經略山海關工部右侍郎李鑑還朝

丁巳裁華亭丹徒丹陽金壇治農縣丞

設豫旺城平定守禦所城去韋州羸山僅百里套出
入必由之從都御史楊一清之請

立潮河川新營於右北口外關

定幼軍解補開豁例

戊午大賚文武及軍民人等

定泰陵勅太監李興新寧伯譚祐工部左侍郎李鑑督工已

吏部考功主事慈谿楊子器言太行山陵有水石興不悅糾

其妄命司禮太監及禮工部覆視遂下子器錦衣獄

皇太后聞而釋之

發延綏兵援宣府

入蔚州廣昌趨保定兵赴紫荆等關

裁瓜洲水驛去京口驛近故

己未故貴州都指揮僉事史翺郭仁李宗武都指揮使李雄

俱贈都督同知征朱魯死盤江

庚申上 大行尊謚達天明道純誠中正聖文神武至仁大
德敬皇帝廟號 孝宗輔臣議孝為百行之首敬為萬善之
源庶盡之

辛酉團操畿內軍餘民兵永平保定真定河間大名各千人
廣平順德各五百人

癸亥頒謚詔賚親王南京官

寧夏固原環縣地震寧夏尤甚聲如雷

甲子監察御史李良請擇近侍召對大臣翰林官保真備顧
問 上是之

工部右侍郎張達卒達泰和人天順八年進士授工部主事
歷南京光祿卿純樸不事表飾居官鮮玷或論其粗率笑而
不問其渾厚類此

工科都給事中王縝等乞裁錦衣衛帶俸盡士蕭增等革工
匠濫陞下所司

丙寅大理寺左少卿張泰錦州衛都指揮達順巡撫都御史
周季麟會計薊州草場

丁卯夜月犯天狗星

戊辰巡撫湖廣左副都御史韓重為南京兵部右侍郎

故太子少保南京兵部尚書張悅贈太子太保
庚午占城國王子沙石卜洛遣沙不登古魯來貢求封父古
來沒不明言且請復安南侵地 科給事中任良弼等言不
宜輕聽禮部請檄廣東布政司咨報從之
辛未前太子太保禮部尚書徐瓊卒瓊金谿人天順丁丑進
士及第授編脩成化丁亥進侍講至前官和易敦樸文暢贍
時有警語然才短無甚建明嘗置妾與椒房有連 考廟特
擢尚書論者謂其攀附竟引去
壬申威州地震

癸酉徽王見沛慶年四十三謚曰莊

甲戌提督軍務撫治鄖陽右副都御史王鑑之改巡撫湖廣
督理軍務提督河道右通政韓昇為通政使理易州山廠

乙亥兵部請罷鈞州鎮守太監齊玄及沿邊監槍分守守備
內臣遂撤齊玄餘議裁

丙子河州大雷雨石崖山崩約移七八里裂為溝

戊寅刑部右侍郎李士實疾去

安奎呂紳任惠邊貢王珣陳震徐暹為給事中惠暹南京
復沙河縣於舊治縣當孔道避役遷僻地十數年泉洞非使

至是復之

庚辰召南京太僕寺卿陳璧浙江布政司左叅政韓福劉大

科道劾禮部右侍郎王華典文來議太常寺卿兼翰林學

士張元禎奸貪通政司右叅議熊偉囑託取財署鴻臚寺事

禮部尚書賈斌人品卑下署太常寺事禮部尚書崔志端穢

行彰聞巡撫順天都御史周季麟交結權幸巡撫山東都御

史徐源昏懦無能南京戶部尚書熊翀戶部左侍郎李温太

常寺卿呂憲疾老右都御史金澤應天府丞李堂奔兢丁憂太

僕少卿陳大章貪聲素著俱宜罷斥上不問

鄭曉曰張公禎家居時人爭薦東白謂為名儒碩輔比起

又交章醜詆諺曰毀譽無常朝玄暮黃信然

辛巳右副都御史孫需提督撫治鄖陽

壬午奉 孝肅皇太后主於奉慈殿 移 孝穆皇太后左之

癸未巡按浙江監察御史邢昭言寬恤龜戶如三丁以下人

免七十畝復其身或丁多遞減十畝或無餘田止免徭報可

七 甲申朔兵部尚書劉大夏上團營實數精銳六萬五百七十

四人分三哨各領以把總次選二萬五千三百四十六人汰

二百八十三人其三大營原額十五萬四千二百八十七人

耗九萬四千三百四十人

乙酉科場再劾王華張元禎等皆公論之不與不宜曲賜優
志自損治體下所司

戊子起許進兵部左侍郎同劉大夏提督團營

庚寅巡撫蘓松右副都御史魏紳為刑部右侍郎

前南京大理寺卿章格卒格字韶鳳常熟人景泰二年進士
授南工部主事歷郎中廣東按察副使還琉球流人改雲南
撫緬甸諸夷累進廷尉居官以清謹聞

辛卯夜月犯心宿

壬辰前南京太常寺少卿牛綸卒綸涿人景泰甲戌進士館
選授編脩歷左贊善太常少卿綸善滑稽又太監玉從子好
結權要士論鄙之

癸巳提督軍務右副都御史史琳言叅將陳雄敗大同之
順聖川斬八十七級俘一人勅勞之

乙未光祿寺卿艾璞為右副都御史巡撫蘓松總理糧儲

丙申革壩上馬房飼牛初成化十一年太監梁芳進牛一日

殺一斗芻二束計費千餘金濫費如此至是御史張津奏歸
之犧牲所

丁酉召前戶部尚書周經

夜月犯壘壁陣西第二星

戊戌進劉健工柱國李東陽謝遷少傅兼太子太傅

太常寺卿兼翰林學士張元禎為吏部左侍郎學士劉機江

瀾左春坊大學士兼侍讀學士楊廷和並少詹事兼學士張

為進俸一級侍讀學士楊暢為太常少卿兼侍講學士劉忠

張潔白悅並學士左諭德兼侍講靳貴費宏並太常少卿兼

侍講右諭德兼脩撰毛澄為左庶子兼侍講侍讀毛紀左中

允兼編脩傅珪並左諭德兼侍講順天府丞兼正字周文通

為光祿寺卿尚寶司卿兼正字劉榮為太常少卿皆舊官也

南京給事中戴銑等言今日成先帝之志者實在陛下

或柄事諸臣或忘大體將謂繼代之際大小庶政亦當更新

先帝之所行而未久與所欲為而未成者一切罷廢似非繼

述之孝伊尹告太甲曰嗣王新服厥命維新厥德周公告成

王曰無念爾祖聿脩厥德陛下能法先帝則增光祖

宗可計日而待章下所司

餘杭大水傷稼

夜月食

丙午崇王見澤薨年五十一謚曰簡王

丁未忠義左衛改泰陵衛

戊申召廣西總兵都指揮僉事毛倫前湖廣都指揮使康泰補廣西副總兵

庚戌許朝鮮市角弓歲二百雙

辛亥翰林院庶吉士潘希曾服闋授兵科給事中

壬子浙江布政司左叅政韓福為大理寺右少卿提督京西軍餘民兵

八明貞尊 皇太后王氏為太皇太后 皇后張氏為皇太后

乙卯進太保瑞安侯王源太保壽寧侯張鶴齡並太傅建昌

侯張延齡崇信伯王清並太保各加祿三百石

丙辰兩宮禮成詔天下

大學士劉健等言六月以來連雨傷稼 陛下登極詔條中

外歡呼但各有司視為泛常如軍器鞍轡二局各門各馬房

倉庫各分子守備等內臣舊設有數今添至幾倍豈可不減

內官等監匠御用等監盡士多至數十百人豈可不革內承

運庫放支不立印簿寧無侵尅豈可不查司鑰庫貯錢若洪

武等錢不行則新鑄亦為虛費豈可不用至如內苑禽獸無

美宜盡放舊宮人年老或縱令寧家嫁遣事干宮禁則斷在
不疑青在有司則青嚴加催督其未盡事軍令查奏處置務
臻實效 上嘉納之

從之 戊午署承運庫太監龍綬請備覈 先帝時傳取金銀之數

前太子少保禮部尚書劉爰卒爰涪人景泰甲戌進士授禮
部主事歷文選郎中清慎有聲累官太常卿禮部尚書署太
常寺弘治己酉乞休謙謹厚德人也

已未設思恩田州涿官降土知府岑猛福建平海衛千戶進
雲南知府張鳳平樂知府謝湖俱廣西右叅政鳳署思恩湖
署田州各賜勅

談遷曰夷習獷悍樂其土風苦漢法東濕故西南土司嘗
傳數十世不替非夷德永於王章也一姓相仍上不異令
下不異俗岑氏之興云漢岑彭後專土數百年矣繩岑濬
之悖并岑猛而奪之何以服遠人之心乎其後尋兵不已
劉忠宣謝事并挂吏議亦要荒之深鑒也

庚申錄國初功臣康茂才五世孫永為正千戶吳復五世孫
江為副千戶俱世襲

莊浪左副總兵都指揮同知魯麟自述世績求鎮將佩印不
得徑歸莊浪恃其部強以子幼請告兵部尚書劉大夏曰彼
虐不善用其衆無能為也然未有罪今予之印非法召之而
不至損威乃為跡獎其先世之忠順而聽其就閒報可麟卒
快、死

練武等營太監韋敏妣舉王庸調耀武顯武敢勇等營尚衣
等監太監何祥谷大用楊廣林貴黎安少監王剛張昭管神
機等營左右哨左右掖
癸亥罷塔像齋醮惟春祈秋報如故

辰刻金星晝見

甲子旦壽星見丙粒

乙丑兵部奉遺詔裁監槍分守守備內臣二十四人有旨仍
舊

丙寅翰林侍讀徐穆吏科給事中吉時使朝鮮脩撰倫文叙
戶科給事中張弘至使安南頒詔

前右副御史劉濬卒濬安陽人天順丁丑進士授刑部主事
歷郎中持獻不私叅藩浙江陝西俱廉慎惟撫遠陽於邊事
多闕

丁卯南京吏部郎中蔡清為江西提學副使

前南京右通政強珍卒珍字廷貴滄州人成化丙戌進士會

涇縣拜御史負氣敢言嘗按甘肅江北人凜然畏之後按遼

東劾汪直挑釁逮戌三年弘治初起山東副使歷撫宣府被

論改前秩性挺勁風采見稱於時

許雍王祐權徙叙州既而不欲遷乞脩其邸從之

辛未戶部奏減各城門倉塲監局內官報寢

癸酉日無光至九月乙未皆然

甲戌夜流星自北斗魁北行至近濁

丙子召還朱暉史琳

丁丑翰林編脩畢濟川請各山川祈禱遣官止就近望祭免

道里驛騷從之

戊寅汰傳陞冗官如太僕寺卿李綸降光祿寺卿少太常少卿

趙繼宗降鴻臚右少卿尚寶司卿周惠疇降司丞餘降減有

差

建安妖賊劉宗保等被擒

河南鎮守太監劉琅與周府輔國將軍同鈇互許改薊州以

州太監陳榮改河南

裁徐州兵備副使

庚辰南京吏部左侍郎楊守陞再考乞休進尚書致仕

辛巳監察御史高良弼劾太監苗達奏功欺罔乞梟之邊庭不問

前南京刑部右侍郎熊懷卒懷豐城人天順丁丑進士性嚴重薄嗜好所至稱職

辰刻木星見巳位九月癸未歲

九月朔裁武職冗官

癸未慶雲侯周壽舍人求買長蘆兩淮鹽引戶部尚書韓文

執奏不聽

夜火星犯積尸

甲申前太子少保戶部尚書秦紘卒紘字世纓單縣人景泰

辛未進士授南御史言事見中謫北容驛丞尋令雄縣忤獵

闕下獄調府谷歷守葭秦夏去守西安進陝西右叅政平番

寇進右僉都御史歷撫山西河南宣府累功遷左僉都御史

未幾進戶部右侍郎忤萬安謫廣西叅政自福建左布政進

左副都御史總漕及總督兩廣忤安遠侯柳景落職薦起南

戶部尚書致仕仍薦起總制西邊有功進太子少保剛直嫉

惡通籍五十餘年屢挫不詘惠澤及民始終全節稱一代完
人年八十贈少保謚襄毅

袁袞曰秦公挺、守正不撓能使汪直稱其賢非誠服其
心爾耶

乙酉趙樞嗣忻城伯趙溥從子

兵部汰乞陞大漢將軍千戶韓福敬等四十八人福敬等
故不入衛磯 上怒於是駙馬都尉樊敬請復之俱如舊

丙戌久雨星變分遣官祭告郊廟社稷
朝邑地震再震

丁亥國子祭酒黃珣為南京吏部右侍郎

夜大星流自天梧西入雲中光燭地

戊子南京太僕寺卿陳璧為右副都御史整饬荊州邊備兼
巡撫順天尋疾去

庚寅濟寧魚臺有流星隕於西北天鼓隨鳴

辛卯南京戶部尚書熊翀戶部左侍郎李溫右都御史金澤
各被劾致仕

旌韓府襄陵王範址孝行王刻股愈母父薨刻木供奉忌日
軍故貧乏葬其不能舉者妃劉時新不薦不敢食友諸弟調
氏亦有賢行朝命謚文立石

浙西紹興寧波皆地震有聲

夜月犯墨璧陣第六星

御史
甲午翰林學士張燦為國子祭酒刑部左侍郎屠勳為右都

應天蘇松常鎮淮揚寧國地震聲如雷申刻河鼓北斗俱見
數日有流星墜松江海中光如火或云天狗星也

乙未夜金木星合

丁酉賑延安

己亥起用經南京戶部尚書太子太保仍舊

夜嘉興地震次日地見白毛

庚子水星晝見於南京夜流星自天航東北行至雲中
辛丑平陽地震有聲

甲辰署太常寺事禮部尚書崔志端劾免

乙巳夜月掩土星

丙午旦金星犯右執法

丁未兵部右侍郎闕仲宇大理寺左寺丞鄧璋覈大同用兵
罪狀初苗遼朱暉報冊欺誤被論故有是命仍留京兵萬人
叅將神英李俊張澄游擊將軍李果分戍宣大

曉刻月犯軒轅左星夜木犯太微垣上相星

傳陞右都督王濬為左都督仍帶俸

戊申通政使田景賢為禮部右侍郎署太常寺事

巡撫山東右副都御史徐源致仕

十甲寅陝西左布政使柳應辰為右副都御史整飭薊州邊備

兼巡撫順天

朝鮮遣使進香賀即位

魯世子當薨

提學官始立三等簿核諸生文行並茂為上文不逮行次之

或無行無學為下禮部覆祠祭主事彭縉之請

乙卯久雨戶部令官軍於張灣漕舟水兌

罷陝西總兵武安侯鄭英都指揮僉事曹雄為署都指揮僉

事鎮陝西專同原防守

丙辰哈密忠順王陝巴卒立其子拜牙郎為忠順王都督奄

克孛刺仍署哈密衛印借都督寫亦虎仙佐之

召還京兵諸將時宣府遁

入鎮夷千戶所都指揮劉經戰死

午刻日抱左右珥已赤黃良久散

丁巳湖廣左布政使朱欽為右副都御史巡撫山東
已未祀 熙祖皇帝

辛酉濬杭州西湖

甲子木邦軍民宣慰使罕列法遣使來貢

庚午葬 敬皇帝泰陵泰陵臨溪水直流若干里制又卑隘

談遷曰泰陵有水石其地非吉壤楊子器早言之輔臣不

加意遺痛橋山澤斬於子噫德如 孝宗寧無罪地脉哉

丁丑祔 敬皇帝太廟

甘肅天鼓鳴

己卯視朝如常儀退御文華殿召輔臣三總兵六部院正官
勞賜之

大學士劉健等請就日講於十一月三日御文華殿煖閣其
經筵俟明春從之

是月南安建昌廣信大疫

十一月壬午朔翰林檢討劉瑞薦南京國子祭酒章懋前吏部右
侍郎王鏊右僉都御史林俊故右副都御史雍泰陝西副使
王雲鳳河南叅政王瓊廣東叅政王綸安慶知府楊茂元雲
南布政司照磨余濂廣西僉事胡獻而鏊俊尤人望 上是

之召鑿後

榆林衛軍袁綬應詔言十九事下所司

甲申始御文華殿日講

乙酉南京兵部尚書秦民悅改南京戶部尚書時周經內艱

御馬監太監審瑾等乞停核騰驤四衛勇士給事中艾洪等

御史閻潔等各以為言竟不問

戊子起劉纓右僉都御史巡撫四川

曉刻水星犯鍵閉星

庚寅遣大學士李東陽祭靈濟宮劉健等疏改太常寺官

壬辰南京刑部右侍郎張撫南京左副都御史陳瑄順天府

尹蘭琦各劾罷

魯府安丘王當遊薨年三十四謚榮順

鎮守福建太監鄧原乞休闕人留之原安靜不擾先鎮江西

改、民隱痛懲虐吏嘗行部郡縣諸生請謁文廟辭曰吾輩

名教罪人何面目見先聖哉

申午整理陝西邊儲戶部右侍郎兼右僉都御史顧佐還朝

乙未翰林院庶吉士胡煜為吏科給事中

丙申命行人存問前太子太保吏部尚書王恕時年九十

監察御史吳璋請毀寺觀汰僧道不聽

丁酉太僕寺卿吳洪為工部右侍郎理易州山廠巡撫湖廣

右副都御史王鑑之為南京刑部右侍郎

庚子遼東尺鼓鳴

辛丑太監韋興太和山司香兼湖廣行都司分守科道爭之

不聽

癸卯山東

布政使曹元四川左布政使使郝志義並右副都御

史元巡撫甘肅志義巡撫湖廣

申辰南京刑部尚書樊鑿致仕

雲南孟養宣撫司思祿遣使貢方物初益密宣撫司之設實

割木邦地已猛密酋思標復侵木邦累諭不從乃調孟養思

祿兵脅之始還蠻莫章貢地就撫又多殺養兵思祿仇之奪

金沙江故土總兵沐崑巡撫右副都御史陳金累諭之乃聽

各入貢以綏輯功賜崑等金幣

馬駸王弘吳鉞蕭乾元蔣瑤房瀛羅琰陳鍾余禎文皓吳堂

馬龍劉慶閻睿翟唐李廷梧孫迪許立劉相黃昭道柳尚義

母恩王鑑汪正周廷為試監察御史弘正立鉞相乾元瑤昭

道尚義恩並南京

丙午邵武知府夏英工所輯蒞祚典要

安南國王黎暉卒世子敬前沒次子誼嗣遣使告訃

丁未起雍秦南京右副都御史提督操江

代府和川王聰潛薨謚宣懿

戊申右春坊右中允蔣冕為右諭德兼侍講

庚戌翰林編脩 乙亥令史官保直注起居據事直書下禮

部

十 二月辛亥朔 上親視郊牲

壬子南京右都御史張敷華為刑部尚書

丙辰太保長寧伯周或進封侯或與東光人訟田自請進封

吏部言恩授蓋出特旨非自請也 上是之

淮安懿世子見瀛追封淮安王

丁巳勅脩 孝宗實錄太師英國公張懋監脩少師大學士

劉健少傅大學士李東陽謝遷總裁署詹事府吏部左侍郎

兼學士張元禎吏部左侍郎焦芳右侍郎王鏊禮部左侍郎

李傑副總裁少詹事兼學士劉機等纂修

庚申總督南京糧儲右副都御史葉贊為南京工部右侍郎

辛酉翰林編脩沈憲工科左給事中許天錫封黎暉子誼安

南國王

乙丑大理寺左少卿張恭為右副都御史總督南京糧儲

仍核各馬牛房會計芻料

夜月犯五諸侯東第二星

丙寅月犯鬼宿西北星

己巳遣官禱雪

辛未大理寺卿楊守隨秩滿為工部尚書仍署寺事

許壽寧侯張或買補殘鹽

癸酉左都御史戴珊卒珊字廷珍浮梁人天順甲申進士授御

史督學南京鑿核不爽遷陝西副使仍學政歷浙臬閩藩撫

治鄆陽墾荒勦深寇入刑部右左侍郎至今官先帝親鞠

大獄諸司震悚珊從容開析天威為霽每廷宣面問移晷乃

退居官四十餘年家無贏積贈太子太保謚恭簡

袁袞曰予童時數聞長老言浮梁戴公之知人每試士閱

文即知其人之心術器識至年之脩短位之崇卑悉斷決

不爽可謂知言矣及踐上卿秉憲度正己格物遭孝皇

殊顧得行所學卓為名卿並美簡肅孰敢軒輊之哉

宣府總兵張俊鎮守太監劉清巡撫右副都御史李進俱罪

免

前巡撫遼東右副都御史張玉卒 吳橋人 成化二年進士

夜月犯房宿

大入花馬池抵陰德靜寧諸路殺掠二十日明年正月甲申遁

乙亥旌魯府鎮國將軍陽銖陽譽孝行

南京監察御史陸崑上八事獎直言以警循默課科道跡多

復面劾以折奸邪明淑慝以別人才嚴糾察以勵庶官稽詞

命以防欺蔽懲沮壞以養銳氣均差轉以消偏重專委任以

精考核 上是之

丁丑設真陽縣隸汝寧

戊寅封祐擇東垣王成馨山陰王祐槿建德王台孝真寧王

巡撫遼東右僉都御史張鼎改宣府

右府都督僉事李旻總兵鎮宣府

立仁壽宮皇莊

庚辰起馬中錫右副都御史巡撫遼東兼督理軍務

丙寅正德元年

正月初巳朔上詣奉先殿奉慈殿太皇太后皇太后先

皇帝几筵行禮畢御奉天殿受朝

宣府地震有聲

揚州河水冰皆樹木花卉之狀民間器內冰合形如牡丹

壬午侍上御奉天門視事自是至乙未皆不朝

甲申前大理寺卿田景賜卒賜字時中高陽人景泰甲戌進

士授御史歷大理寺丞左右少卿峭敏有幹局

丁亥日抱珥色黃赤隨白虹彌天夜崇明有紅光如斗自東

北沒於西南聲如雷

巳丑上親南郊行慶成禮免宴

辛卯賜群臣假十日

壬辰右都御史史琳卒琳字天瑞餘姚人成化丙戌進士授

工科給事中遷陝西右叅議歷工部左右侍郎經略邊關至

今官上馳榆林宣府再督軍務素喜談兵宣府之役僅斬三

級同苗達朱暉張其代子鶴同苗上捷冒陞總旗屢被劾時

火星犯中執法戴珊卒古者曰未也琳繼之贈太子少保子

鸞乞加贈謚贈太子太保寢其謚

甲午劉健等言郊祀駕出從閣過多今祭太社耕籍田幸太
學在邇守衛壻擁若增添內侍置之何處乞勅司禮監視正
統以前舊制定額又常朝從閣漸增內府各監局僉書官或
七八十人或百數十人光祿寺傳辦日加承運庫賞賜匠役
不知幾何蟒玉乘馬不計其數 皇上春秋鼎盛此後何以
處之望特施睿斷盡行裁革 上嘉納之

雲南孟養宣撫使思祿以歸蠻莫章貢地於木邦給冠帶不
受覲宣慰司印朝議不許第賜勅略獎諭之

乙未中旨內官監太監劉瑾管三千營御用監太監張永管

神機營中軍并顯武營神機營右掖御馬監太監徐智調軍

管奮武營司設監太監馬永成代智御馬監太監王濶代理

戊戌太師英國公張懋少師大學士劉健知經筵事少傅大

學士李東陽謝遷同知經筵事禮部右侍郎王華少詹事兼

學士劉機江瀾楊廷和太常少卿兼侍講學士楊時暢國子

祭酒張潔翰林學士劉忠白鉞劉春太常少卿兼侍讀費宏

左庶子兼侍讀毛澄左諭德兼侍講毛紀傅珪右諭德兼侍

講蔣冕侍讀脩撰石瑄直經筵保國公朱暉太傅新寧伯譚

祐少師吏部尚書馬文升太子太保刑部尚書閔珪戶部尚

書韓文禮部尚書張昇兵部尚書劉大夏工部尚書曾鑑署
大理寺工部尚書楊守隨右都御史屠勳署詹事府吏部左
侍郎張元禎署通政司禮部右侍郎沈祿侍班編脩劉存業
吳一鵬王瓚汪俊葉德賈詠檢討汪偉劉瑞展書
南京刑部尚書張敷華改左都御史

給致仕工部左侍郎潘禮月粟三石禮齒踰八十一草廬蔬
食不事干請巡撫河南右副都御史韓邦問議周之報可
山東左布政使歐信為右副都御史巡撫大同替理軍務
錦衣衛千戶屠璋詰固原邊防

召貴州總兵都督僉事顏玉領奮武營故宣府總兵顏彪子

已亥召兩廣鎮守太監韋經命尚寶監太監潘牛代鎮

庚子榮王祐樞乞霸州信安鎮庄田草場不許

辛丑鳳陽有赤光如日聲如雷夜月犯心宿

癸卯總督兩廣兼督理軍務左都御史潘蕃為南京刑部尚
書

貴州右叅將都指揮僉事李昂為署都督僉事總兵官鎮守
貴州

巡撫延綏左副都御史楊一清總制陝西延綏寧夏甘肅邊

務兼督馬政

乙巳各科給事中周璽等上八事親大臣以圖治化清弊政

以固人心鹽法省供應以甦民力光祿寺重詔旨以博大信

各馬房倉庫等莊遵舊制以防詐偽浮費正貢賦以固邦本惜

添設內臣遠出名器以勵廢官汰不職以新治化章下所司

陝西左布政使張泰為右副都御史巡撫

丁未議城通州護倉粟

刑部右侍郎魏紳卒紳字廷珮曲阜人五歲喪父悲感吊客

母沒廬墓三年有嘉禾之瑞成化辛丑進士授刑部主事有

幹局進郎中讞獄詳明尚書彭韶何喬新並重之歷撫山西

固圍簡士增築邊堡拓寧武開城改撫蘓松救饑止織幣所

在皆以能稱

己酉兵部左侍郎熊繡為右都御史總督兩廣兼理巡撫

楊一清言陝西災傷預備救荒條其事從之惟鹽法再議

庚戌雷震南京東安城門皇鷓鴣

二朔亥朔巡撫雲南右副都御史林元甫疾去

壬子始開經筵大學士李東陽講大學首章謝遷講堯典首

章德本聖主

曉刻木星退犯左執法及上將星夜東北天鳴

甲寅署鴻臚寺事禮部尚書賈斌致仕

巡撫保定右僉都御史王璟及科都給事中張文御史葉

永秀等各請革皇莊閣臣推言之不聽

丙辰前左府都督同知王錯卒遼陽人定遼後衛指揮使累

丁巳右副都御史劉宇為右都御史總制宣大偏頭等關邊

務

戊午旌晉府陽曲王輔國將軍奇渾賢孝奇渾少孤事母丁

氏至孝籲疾祈身代憂悴骨立積書千卷出粟賑饑

河南左布政使吳文度為右副都御史巡撫雲南

庚申廣西荔波思恩二縣隸河池州仍屬慶遠府

脩蘆溝橋隄

昏刻日生暈色蒼白中圍井宿

辛酉設浦江關守禦千戶所仍隸松潘衛

復立哈密陝巴功勞甘肅太監楊定巡撫都御史畢亨總兵

署都督僉事劉勝兵備副使李端澄等金幣

壬戌分守大同右衛都知監左監丞侯能鎮守大同御馬監

左監丞宋彬代分守

癸亥祀元淮南左丞贈平章馮國公謚忠宣余闕於合肥故
乙丑上籍田

戊辰大學士劉健等言譚景清等假公壞鹽法大同報功濫
陞至於數百京營左叅將都督僉事神英侵馬價千餘金
抗不就讞御用監書篆缺人吏部選送今今本監進考開賣
緣傳奉之端朝廷任賢圖治責在有司不宜以私恩壞定制
邪說廢公論仍封原票進如言不足信乞賜歸以避賢路不
報

文華殿辦事光祿寺卿張駿致仕

己巳戶部集議譚景清等買補殘鹽之害謂祖宗舊制各鹽
運使額徵以待商人開支商人稱便近慶雲侯奏買殘鹽八
十萬引壽寧侯奏買九十六萬餘引名雖買補實侵正課乞
追銷額引給還價銀以復鹽法之舊不報

癸酉停買珍寶

詔陽地震至乙亥連震聲如雷

劉健等言陛下即位之初天下引領太平而朝令夕改迄
無寧日百官庶府倣效成風非惟廢格不行抑且變易殆盡
建白者以為多言幹職者以為生事累章執奏則曰再擾查

革弊政則曰紛更憂在於民生國計則君罔聞知事涉於近
倖貴戚則牢不可破臣等叨居重地徒擁虛銜或旨從中出
略不預聞或有所擬議徑行改易臣等心知不可義所當言
累有論列多不見允苦瀝愚誠乞特允退報聞

乙亥巡撫河南右副都御史韓邦問為南京大理寺卿提督
保定等操練大理寺右少卿韓福為右僉都御史巡撫保定
等兼提督紫荆諸關

丁丑劉健等歷數政令之失自劾求退上慰留之
遣文武臣分祀諸陵歷代帝王先師陵廟岳鎮海瀆諸神

已卯劉健李東陽謝遷俱求罷不允

禮科都給事中周璽等言陛下即位以來今日餉鷹明日

餉犬如是不已則酒色游觀便佞邪僻凡可以役耳目變心

志者將日甚焉寧止鷹犬哉光祿寺九月內添席七十有

增奇

費五千餘金兵荒財匱將何取辦願脩身養德放鷹犬止浮
辦禮部張昇等覆上雖然之終不能改

湖廣鄖縣大火

三月午山東左布政使陶琰為右副都御史巡撫河南召還整
理宣大糧芻戶部左侍郎兼右僉都御史王儼

昏刻木星犯靈臺上星夜大星如月自天市西垣涿紫微東垣尾跡炸散聲如雷二星隨之已天鳴

癸未翰林院庶吉士禴張服闋授兵科給事中

甲申 上幸太學

丙戌惠安伯張偉同都督李俊署都指揮同知許泰等都指

揮張澄劉祥操練東官廳新軍

丁亥劉健等言自開經筵進講纔九日多云兩宮朝謁近又

擇日乘馬曠怠如此臣等安所盡其心哉乞惕然自省日勤

聽講不報

葺宋儒周惇頤墓九江德化縣復濂溪書院有司歲祭江西

按察副使邵寶之言

祀宋太學生贈秘閣脩撰徐應鑣於錢塘忠節祠

大同地震

己丑錄宣大禦功進保國公朱暉太保餘陞賞

壬辰給事中張文等御史李鉞等各因災變言三事重輔導

抑權幸清獎源章下所司

戊戌閣臣請逐私闈從之

己亥吏部尚書馮文升以御史何天衢見劾乞休不許初文

升薦鄉人許進提督團營劉宇總制宣大兵部尚書劉大夏
不謂然侍郎熊繡以大夏鄉人推兩廣總督快行諷天衢劾
文升謂衰老不任私巡撫福建右僉都御史王璟壻崔志學等
鄭曉曰秉銓大臣非上結主知不得行其志即上知非內
閣調護亦不得安於其位抑庵直王之遇芳洲陳忠肅王之
遇文達李命也盧氏之遇萬文康三原之遇劉文穆亦命
也文毅倪端肅或尚包荒乃謂二公太別白賢不肖功名
不及禮部兵部時吏部之難非一日矣
朱國禎曰前語必焦芳所造當時馬劉閔同心輔政芳由
詞林謫外乞恩再起得為吏部侍郎其耽於諸公非一
日矣何天衢劾去馬文升代者非劉大夏即閔珪又嫉人
尼之芳乃得拱手取其位本末昭然而又設不協之語實
以許熊蓋皆兩公鄉人可引而証者前朝內外均勞自常
事熊何以不樂許在弘治初已為巡撫威名甚重久之督
團營薦豈私心牽合若出有因黜綴非實事芳之奸詭於
此尤甚讒人罔極交亂四國正此之謂然劫運方始劉瑾
得志馬劉閔得免為幸許進屠瀟再出受辱或言進實自
盡夫楊一清李夢陽逮而得釋瑾尚未敢顯僇大臣何至

於此焦芳過沔走免束衣冠於廷樹斬之曰吾恨不手
誅此賊乃其縣祀之鄉賢有王祀雲大司馬送祀文可據
似又未必為惡於鄉也

談遷曰牛李之劫劇至甘露蜀洛之構禍劇靖康甚哉大
臣不相下非國之福也鈞陽華容並望極當日兩賢豈相
厄哉貂勃干紀耽其視同舟之救秦越人可使如左右
手况肺腑先帝者乎銓樞隙而佞劣為漁人之獲彼兩
賢而無所道責也夫

夜月犯斗宿丙第三星

庶子中書御馬監太監王宏管神機營右掖三司
并耀武營張景昌管右掖三司

辛丑刑部左侍郎兼右僉都御史何鑑核荆襄南陽漢中流
民二十三萬五千六百餘戶七十二萬九千六百餘人附籍
還鄉各聽之

中書神機營左掖太監馬永成調中軍二司管練武營兵仗
局大使孫和管神機營右掖

甲辰遣行人存問前南京工部尚書胡拱辰時年九十
丙午府軍衛署都指揮僉事李隆為中都留守孝陵衛指揮

使梅純副之純寧國公主之曾孫登成化辛丑進士授懷柔
知縣自免受世職

丁未南京大雷雨壞東安門皇城大報恩寺塔

奉使安南翰林脩撰倫文叙有父喪改編脩魯鐸

戊申尚膳監太監劉杲稱疾求監督京倉許之戶部右侍郎

陳清監察御史朱廷聲爭之不聽

夜太原有火光如斗墜寧化王府其光漸黃而白長六七尺

已至二十餘丈芒耀亘天移時滅

己酉遼東廣寧斥堠旗端火發

四辛亥汰傳陞官以含山大長公主故留南京錦衣衛千戶尹

果百戶尹惠尹隆

癸丑英國公張懋等言邇者聞留心騎射群小雜沓徑出掖

門游觀苑圃縱情逸樂夫衛生之害積於細微銜檠之危起

於所忽則不可不慎必近侍左右引之非道陛下不察而

悞蹈之臣等竇為寒心 上是之

免葭涇靜寧三水平涼華亭莊浪真寧西鄉隴西靖 固原

榆林甘肅災田租

壽王請湖廣劉家涌楊子港東山崙稅課不許

署大理寺事工部尚書楊守隨言歲熟審例不及南京五年
審錄例不及各省今置兩京俱熟審各省亦審錄從之

雲南地震次日仍震有聲

甲寅雲南木密關地震如雷壞城舍

丁巳少師兼太子太師吏部尚書馬文升致仕年八十一給

月廩歲役

張志淳曰行 刻有缺

張志淳曰淳以兼太宰鈞州缺守馬公鈞人也用例貢李
邦彥為之人皆譙異及至任嚴明廉幹迥出同輩州同知
其者以至事謫州判某以御史謫皆唯聽從出其下州

大治人始服焉公之精於用人誠不可以資格限也

戊午上御奉天殿受玉牒

襄陽脩漢諸葛亮廟

隆中以襄簡王墓徙其祠漸頽至是長
史林光建於隆中之東山

增南安捕盜通判南康南城南豐新城主簿

庚申太子少保南京兵部尚書王軾致仕進太子太保

禁天下僧道潛往京師

裁諸司濫占旗校匠役八百六十人

寧夏左屯衛蔣鼎堡災斃二百六十五人

壬戌陳繼祖嗣寧陽侯

陳輔姪

署大理寺事工部尚書楊守隨言歲熟審例不及南京五年
審錄例不及各省今置兩京俱熟審各省亦審錄從之

雲南地震次日仍震有聲

甲寅雲南木密關地震如雷壞城舍

丁巳少師兼太子太師吏部尚書馬文升致仕年八十一給

月廩歲役

張志淳曰馬公為太宰鈞州缺守馬公鈞人也用例貢李

邦彥為之人皆驚異及至任嚴明廉幹迥出同輩州同知

某者以主事謫州判某以御史謫皆唯聽從出其下州

大治人始服焉公之精於用人誠不可以資格限也

戊午工御奉天殿受玉牒

襄陽脩漢諸葛亮廟隆中以襄簡王墓徙其祠漸頽至是長
史林光建於隆中之東山

增南安捕盜通判南康南城南豐新城主簿

庚申太子少保南京兵部尚書王軾致仕進太子太保

禁天下僧道潛往京師

裁諸司濫占旗校匠役八百六十人

寧夏左屯衛蔣鼎堡災斃二百六十五人

壬戌陳繼祖嗣寧陽侯陳輔姪

癸亥兵科給事中楊一漢以上好騎射時出微行言人君不可他有嗜好馳驟弓矢尤非所宜况深居九重必清道而後出秦皇游幸變起副車武帝微行戒嚴柏谷蓋天下重器萬一不虞所繫非細報聞

乙丑雲南武定軍民府雨雹水溢傷稼
丁卯吏部左侍郎焦芳為吏部尚書以太監李榮內援也

南京吏部尚書林瀚改南京兵部尚書

旱灾免延安田租

戊辰翰林學士武衛予告以宮寮進太常少卿兼學士

吏科給事中安奎言中外冗員奔競賄賂大為新政玷責對狀引咎奪月俸

庚午南海清遠四會番禺各盜平

辛未巡撫保定右僉都御史王璟疾去

壬申刑科給事中湯禮敬言克謹天戒消弭灾異報聞

癸酉翰林編脩董玘歸姻畢入纂修實錄

乙亥太常寺少卿兼翰林侍講學士楊時暢卒時暢咸寧人

父戶部尚書鼎成化戊戌進士館選授簡討歷右贊善左諭

德侍講學士孝友諳典故遺事有幹濟才而短於文

丙子吏部右侍郎王鏊為左侍郎禮部左侍郎李傑為南京尚書

巡撫宣府右僉都御史張萬入院

兵部內閣言太監韋興先朝盜帑之罪宜亟撤回不聽

丁丑特授故衍聖公孔弘秦子聞詩翰林五經博士弘秦疾

廢故榮其子

初命御馬監太監牛宣守備南京

五庚辰朔申吉鼓勇營御用監太監吳軻調效勇營內官監太

監鍾賢管神機營右哨頭司并鼓勇營內官監太監姚舉鎮

守江西

辛巳禮部右侍郎王華為左侍郎少詹事兼翰林學士劉機

為禮部右侍郎

陝西苑馬寺卿車震為右僉都御史巡撫宣府

左府僉書都督僉事楊玉卒

壬午戶部左侍郎王儼致仕

錦衣衛鎮撫司指揮僉事王銳象房指揮僉事張銘俱引疾

銳私游銘潛詣涿州東廠太監王岳兼得之俱奪秩

甲申南京工部尚書李孟賜致仕

己酉太原地震

己丑提督倉場戶部右侍郎陳清為南京工部尚書戶部右侍郎顧佐為左侍郎總督漕運兼巡撫鳳陽右副都御史張縉為戶部右侍郎

庚寅暑讖減戍九十人

中旨惠安伯張偉同英國公張懋保國公朱暉提督團營

壬辰戒寧夏墩卒擅出塞外收畜產

密雲地震有大起青州衣甲庫

癸巳起洪鍾右副都御史總督漕運兼巡撫鳳陽提督雁門

等閑兼巡撫山西右副都御史何鈞為戶部右侍郎提督倉

場

乙未刑科右給事中許誥以父進兵部左侍郎引避改翰林

檢討

詔各長史非進士必滿九年奏保

丙申瀧水知縣翟觀善撫民獠綏叛剪逆進肇慶府同知仍

署瀧水

兵部尚書劉大夏致仕進太子太保先是監察御史王時中

以劉大夏及刑部尚書閔珪謀代馬文升劾之大夏乞歸月

廩六石歲役八人

談遷曰正德初諸耆宿皆屏居田間雖先幾之哲按其年俱高矣馬鈞陽八十一劉華容七十二霜髭星鬢而欲候曉鐘衡夕露不憊甚乎大賢謀國無傳位有傳人當日獨不為善後慮耶

沈德符曰孝宗朝君臣魚水千古美談至今人能誦說乃其中微有不然者今人未必知也弘治末年馬鈞陽以十二年本兵加少傅改吏部最稱耆宿洛陽首揆長沙餘姪次之咸負物望而劉華容新入為本兵戴浮梁亦起臺

長俱上所重而眷劉尤深因得非時召見造膝三接恩禮出諸貴工即三相所調旨有不當上意亦與商確墓定三相有從劉反問上今日何語意不無快弘治十七年因孝肅周太后喪禮召閣臣議塋事東陽遷同奏

曰臣已七年不得見皇上矣其言懟乎感乎次年與湖遂泣似此局勢即孝宗猶在華容亦未必善去也君臣之際其難如此寧獨桓使君撫箏能令謝安涕泣哉禁官吏服玄黃紫下民衣紗紵

內織染局派浙直織幣二萬四千七百六十匹尚書曾鈞言

民糧遂減其半

丁酉廣東左布政使徐節為右副都御史提督雁門等關兼

巡撫山西光祿寺卿王質為右僉都御史巡撫貴州

戊戌戒科道官挾私舉劾時推銓樞御史王時中摘刑部尚

書閔珪兵部尚書劉大夏南京戶部尚書秦民說不得列戶

科給事中劉蒞言其謬吏部謂言事宜協恭指實故有是命

鎮守遼東太監朱秀私廬於山海關之一里舖劾免廬田仍

歸鎮守

己亥勅巡撫蘓松都御史艾璞巡江都御史雍泰勦盜

中旨御馬監太監魏彬管神機營中軍頭司并奮武營

庚子中旨神機營中軍并顯武營御用監太監張永調三千

營神機營中軍二司御馬監太監王潤代永內官監太監張

恩代潤

壬寅錦衣衛署事都指揮使趙鑑卒

癸卯南京兵部尚書林瀚等上十二事隆大孝集詳議廣言

路崇儉德改州治懷昌平縣改州以密雲順義省虛費脩武備

省匠役節工作清吏員核馬政上頗是之

甲辰戶部集議經費京庫歲入百四十九萬金有奇歲用至

五百餘萬因條一事崇節儉裁冗食節冗費罪人紉粟處置
鹽法清查積朽錢鈔折銀清查草場上是之

乙巳勅錦衣衛指揮使趙良捕盜

丙午兵部左侍郎許進為尚書

曉刻月犯昴宿西第二星

六月酉朔中旨命御用太監劉雲守備南京內官太監劉璟鎮

守浙江麥秀管南京織染局御馬太監岑章鎮守遼東梁裕

鎮守福建御用太監張永鎮守山東蕪轄臨清

神機營中軍二司司設太監張英調神機左掖并耀武營御

馬右少監楊春代英五千營內官監太監劉瑾提督十二營

操練神機營中軍二司并練武營司設太監馬永成代瑾內

官太監賴義代永成

癸丑兵部右侍郎閻仲宇為左侍郎巡撫遼東右副都御史

馮中錫為兵部右侍郎

乙卯御馬監奉御孫清鎮守貴州

丙辰宣府大雨雹傷禾稼

己未大理寺右少卿鄧璋為右僉都御史巡撫遼東

辛酉旱災免西安慶陽及各衛田租

授孔子五十九代孫彥繩翰林五經博士宋南渡衍聖公端友自曲阜徙衢州五世宋亡洙讓爵於曲阜宗弟治自後衢派不復祿至是衢州知府沈杰求彥繩奏主廟祀命授世官其祭由西安五頃減稅禁民間服舍與後器用奢僭

夜雷雨擊西中門柱暴風摧郊壇松柏大祀殿及齋宮鳴吻萬全衛雨雹

甲子御馬監太監王宏鎮守薊州永平山海召還劉瑯陝西徽州大雨水溺人畜田舍萬全衛復雨雹

壬丑守備南京御用監太監劉雲自叙功乞陞養子偉錦衣

千戶部科糾之不問

丙寅閣臣請續脩玉牒從之

遣給事中

錦衣千戶

勘田無錫蓋奸椽許祿奪妙

相院及邑人某田獻魏國公徐偁積訟不決

戊刻沂州有赤星如斗流西北後小星一隨之

己卯崇王請之國有旨俟明夏議之輔臣再請不報

戊辰直府馮營堡大雨雹深二尺傷稼

己巳崇明海盜施天傑等來降

庚午劉健等言近日視朝太遲免朝太多奏事漸晚遊戲漸
廣奢靡玩戲濫賞妄費非所以崇儉德彈射釣獵殺生害物
非所以養仁心鷹犬狐兔不可育於朝廷弓矢甲冑不可施
於宮禁天心示警蓋已甚明望惕然省悟厲精圖治庶可弭
災導和有旨險過禮部尚書張昇等工科給事中陶諧御史
王渙各言災變諧劾太監丘聚魏彬馬永成等字訛被責渙
工五事崇聖學以正君心申詔令以隆大孝公賞罰以服人
心絕內批以防欺蔽節財用以恤民窮 工是之

辛未吏部

主事孫磐應詔言今日廢政之弊莫甚於內

臣典兵唐宋季世則有監軍國遂不永豈非永鑒今鎮守分
守監槍諸內臣誅求百計役占健卒或抑買絃纓或扣轉馬
料或獵傷戰馬或私奪耕牛惡少聚斂武職黷緣遇警輒驅
羸卒當之故不能決勝及有微功虛張捷報甚者跡未離於
京師名已登予奏牘沒者卽寃劄者抱痛欲兵威之振得乎
乞盡撤沿邊內臣不聽
癸酉給事中張良弼監察御史熊卓等上八事正君德求直
言嚴考察杜請託禁求乞公賞罰弭盜賊恤收納報聞
劉健等摘廷臣跋要語錄上一單騎馳驅輕出宮禁一頻幸

監局一泛舟海子一鷹犬彈射不離左右一內侍獻飲亦肩
曲納

泰寧侯陳璇卒

甲戌刑部右侍郎魏富疾去

乙亥蜀王賓瀚言食鹽百引不贍乞自市於重慶瀘州不許

丙子雷焚孝陵白土岡空樹懷仁地震聲如雷

湖廣平溪清浪鎮遠偏橋衛大疫

七 月 己卯甘肅西路右叅將吳鋹調莊浪時副總兵魯麟卒子經

位輕故楊一清薦鋹

庚辰巡撫湖廣右副都御史郝志義為刑部右侍郎

壬午兵部 即中何孟春請崇孔子尊號詳議從祀史記

列傳七十七人索隱家語亦七十七人史記有公伯寮秦冉

鄔單家語不載更琴牢陳亢懸豐家語止七十五人而史記

之鄭國申黨顏何不載載薛邦申績杜佑通典載開元所贈

自史記外增蘧瑗林放陳亢申根琴牢琴張宋祥符大觀中

去琴牢餘並因之懸豐家語作懸曾字子象禮記檀弓篇縣

子疑即其人而祀典不及家語薛邦字子徒申績字子周史

記載鄭國申黨同字則邦即國績即黨論語釋文申根鄭康

成云蓋孔子弟子申續史記云申棠今棠為黨續為續其訛
無疑唐宋加封申黨申棖俱從祀夫二申猶二琴也薛邦鄭
國姓氏頗遠不祀薛邦而并祀二申不已續子乞補贈懸重
削重祀公伯寮黨季孫蘧伯玉不在弟子列亦不當祀史記
云樂記公孫尼子撰馬總意林引劉瓛曰緇衣公孫尼子作
亦宜祀於今日章下禮部
癸未監察御史郭東山請罷新設鎮守分子守備內臣奪月
俸

戶科都給事中張文右給事中倪議給事中劉蔭薛金言五

事謹內批裁冗員節恩禮肅儲清牧地語多忤切責之各奪

俸三月 冗員指內臣

命御史覈沿邊及遼東屯田積穀

總制陝西左副都御史楊一清為右都御史

甲申貴州左布政使湯全為右副都御史巡撫湖廣兼贊理

軍務

陝西黑水苑地震聲如雷

乙酉懷仁地震聲如雷

己丑夜有星見紫微西垣外如彈丸色蒼白

乙未建安縣暴雨傷人
庚子廢武定之南甸石舊二縣隸和曲祿勸州

夜諸城彗星見

辛丑夜雷災東平守禦千戶所

壬寅夜彗長五尺許掃下台上星

癸卯進昌平縣為州

昏刻彗入太微星

乙巳徵戶部四十萬金佐婚禮告匱不聽

巡撫江西都御史張本劾免

丁未提督操江右僉都御史林俊為右副都御史巡撫江西

初新昌民王武作亂巡撫韓邦問捕之不克上命操江林俊

往視并訪奏邦問事蹟俊身諭武解散之因奏邦問才且調

簡以俊代俊上言昔朱熹劾提刑唐仲友奪命授熹、辭不

拜包拯劾三司使宋初解職與拯、辭不拜二人美刺具見

今日臣蹟類然不敢竊位不許

八胡子武定土知府鳳英加雲南布政司右叅政以從征福佑

米魯功

左府都督僉事顏玉卒

癸丑昏刻月犯房宿

甲寅上好騎射微行給事中胡煜楊一漢張禴皆言之禮

部尚書張昇覆奏勸勤學遠佞報聞

乙卯內官監右少監崔杲往南京織幣

丙辰月犯斗宿魁第二星

丁巳都察張賢胡珙劉澤為給事中

山東鰲山衛地連震聲如雷顏城

戊午冊皇后夏氏

壬戌鰲山大嵩衛及即墨地震有聲夜有光暈即墨民家化

綠石員高尺餘

甲子徐行廣歐陽雲胡節林茂達蘓錫楊南金陳奎劉金為

試監察御史

己巳刑科右給事中湯禮敬等劾兩廣太監韋經侵帑回京

上不問

庚午命右少監鄭廣監丞王欣往甘肅寧夏監槍兵科給事

中楊一漢言部科不願聞真偽何辨 上不聽

辛未劉健等力陳時弊報聞

乙亥夜涿星自奎行近濁二小星隨之

丙子前太子太保吏部尚書王恣疏謝存問并及時事如嚴
軍法以肅邊境裁冗員以節財用重官爵以惜名器禁僭侈
以化民風存羨餘以備不虞給民業以均貧富皆今日制治
保邦之急務也

九 戊寅 工御經筵是早諭免午講劉健等疏懇不聽

南京織造太監崔果乞長蘆剩鹽萬二千引戶部尚書韓文
等執爭不允止予其半

癸未 丹賢妃沈氏 德妃吳氏

甲申 宛平縣棗林庄李大華

乙酉 授莆田處士劉閔儒學訓導閔孝友篤學動循矩度早
孤貧不能葬旅殯鄰園三年不內養母極誠敬提學僉事周
孟中嘗周之副使羅璟立社學師構養親堂知府王弼資田
五十畝 母卒廬墓田還官毀悴歲凶弟婦欲析箸閔閉戶自
搥感悟復合巡按御史宗彛饒檐欲薦於朝懇辭知府陳效
遂以學職請

翰林院侍讀羅圮為南京太常寺少卿

潘府沁水王詮 鑄慶謚端懿

丙戌 監察御史杜旻請慎選儒生俾督都同知夏儒為師友

從之

前南京左副都御史陳璠卒璠字玉汝長洲人成化戊戌進士館選授兵科給事中累遷刑科都給事中大理寺左右寺丞少卿為南京左僉都御史進左副都御史提督操江而自恨不獲用文史顯恒邑、不樂雖謹飭無大建明

戊子翰林脩撰石瑄為南京翰林侍讀學士

庚寅災傷免鳳陽田租

巡撫大同右副都御史歐信卒信薊州人成化甲辰進士授戶部主事賑饑京西活萬餘人歷郎中督餉大同來賤積粟

五十萬石其撫大同繕備興屯脩舉廢墜亦一時能吏也

辛卯劉健等以崔杲乞鹽引言先帝最注意鹽羨奈何徇

之於是府部大臣科道具言其不可是日午講畢召輔臣煖

閣欲全予萬二千引價劉健等曰半價足矣上曰既半價

何不引鹽也李東陽曰鹽引易夾帶不如給價上曰夾帶

事覺自有法東陽曰一得旨即紅樹黃旗云欽賜皇鹽孰敢

詰之上正色曰天下事寧內官專壞之乎如十人則優者

亦三四先生輩所明也言之至再遂給引鹽之半

壬辰楚府滎陽王均錄薨謚端懿

即墨地震

癸巳南京科道會劾禮部尚書張昇吏部左侍郎兼學士張元禎南京工部尚書陳清侍郎葉贊大理寺卿韓邦問太常寺卿呂憲俱留任

丁酉鰲山衛地又震聲如雷

廣東連州盜越湖廣廣西劫掠府江道梗

戊戌總制陝西右都御史楊一清言防邊莫安於守其策有四脩濬邊塹以固邊防增設衛所以壯邊兵經理靈夏以安內附整飭韋州以遏外侵謹上脩邊事宜曰延綏安邊營石澗池去寧夏橫城三百里可設墩臺九百座暖灘九百間守軍四千五百人石澗池至寧塞營西至定邊營百六十三里三百四十一步平行宜墻者百三十一里三百四十九步險崖峻嶮可剗削者三十二里三百五十六步可就為墩臺聯寧夏東路花馬池有守禦千戶所無險可恃至仰容兵可置衛興武營有守禦千戶所兵不足額可募充材官自環慶以西至寧州要害也而無備兵副使可增設韋州螺山有慶王塚園至發掘柰何可抽簡慶護衛守之橫城以北黃河東南岫有墩三十六瞭守石嘴暖泉可脩築如故毋移入河

西河西黑山營可按伏重兵如故毋移入平城工悉從之

初遣太監許鏞右少監呂憲往浙江榷木以部科執論寢之大風霾來州大雨雹海溢宣府俄風火焚民居

己亥夜月犯積薪星

癸卯翰林編修謝丕省侍

欽天監五官監楊源奏八月初大角及心宿中心動搖天璇天璣天權星不明乞安居深宮絕遠游獵罷弓馬嚴號令毋輕出入闕除內侍寵倖游佚小人節賞賜止工役親元老大

臣日事講習克脩厥德章下禮部

甲辰登萊地震聲如雷

十月未貴州布政司左叅議林沂入賀壽節道聞免賀遂止奏

陛下憫孝思乞降勅凡三節尚在通喪之內俱輟朝免

賀章下所司

戊申濬任縣滏陽河

己酉肅州地震

壬子河南左布政使崔巖為右副都御史巡撫大同

刑部右侍郎郝志義卒志義字宜之清澗人成化己丑進士

授大理評事歷藩臬撫湖廣嚴毅獨介居官廉慎無一遺弊
後子貢士序乞祭葬逆瑾銜之奪序貢士瑾敗乃復

癸丑掖縣天鼓鳴

乙卯衛府

王

薨謚恭惠

惠潮盜陳錦等平

丙辰增金州西鄉石泉漢陰茶課二萬四千百六十四斤

戊午少師兼太子太師吏部尚書華蓋殿大學士劉健少傅
兼太子太傅禮部尚書武英殿大學士謝遷俱致仕時太監
劉瑾馬永成高鳳羅祥魏彬丘聚谷大用張永等日導上

狎游禁中習武鼓譟不絕耳戶部尚書韓文夏懋對扁吏語

輒泣郎中李夢陽曰泣何為大臣貴濟時耳文曰奈何曰政
府顧命臣也公輩爭於外而政府持之事必濟文善之令夢

陽草奏文莫之明日叩閣臣倡九卿入奏曰近朝政日非秋

來御朝漸晚仰觀聖容日就清癯皆言太監劉瑾立聚等置
造巧偽淫蕩上心愁馬鷹犬俳優雜劇錯陳於前至道萬乘
與外人交易日游不足夜以繼之勞耗精神虧損志德遂使
天道失序地氣靡寧雷異星變杞李秋華考厥占候咸非吉
徵竊緣瑾等惟知蠱惑君上便已行私誰思皇天眷命祖

宗大業皆在 陛下一身今大婚雖畢儲嗣未建萬一起居
失節雖將此輩糞粉菹醢何補於事伏望奮剛斷割私愛明
正典刑潛消亂階以保靈長之業東宮舊閣王岳素剛厲亦
言我曾當簡汰畧閣臣持之太監陳寬李榮來內閣欲派瑾
等南京健等厲聲曰 先帝親顧命老臣今嬖幸若此何面
目見 先帝地下岳亦旁贊閣議明日召諸臣左順門吏部
尚書許進首咎文曰公跡云何致聖怒若何文曰請以老身
殉毋多計俄李榮手大臣疏曰 上謂諸先生忠愛第此輩
久習不忍法幸少寬之 上徐處耳衆嘒嘒榮目文文曰今

海內民窮盜起災變日增

上輒棄萬幾狎嬖群小文等何

得無言榮笑曰跡備矣

上欲少寬之耳衆退吏部右侍郎

王鏊前曰設

上如故若何榮曰榮頸寧鉄銅之耶而敢壞

國事瑾等聞之夕遠

上哭曰微

上恩奴輩磔矣 上心

動又曰王岳范亨中奴輩耳狗馬鷹犬何損政而外廷譁焉
司禮監無人也立詔瑾入司禮監兼提督團營立聚提督東廠
谷大用提督西廠瑾即管太監王岳范亨徐智於宮門震南
京健等知事不可救即辭允故事輔臣乞休章三四上瑾等
惟恐其去之不速也岳亨至臨清瑾遣人殺之智幸免初許

進曰此扁得疎亦足矣若峻其事恐有甘露之變果如其言
馮時可曰予聞韓公里居恂、惟恐惡聲入耳及當大事
屹如山岳雖責育不奪仁者有勇信哉方、閣寤於公議
將擇窟自避而羽翼弗繼且有降心相從者遂使狹狹恣
其披猖神州幾為陸沉當是時使三公九卿並輸肝膽自
固金湯惡淪胥至此君子所以不能無罪於長沙輩也

談遷曰宦官專政俱色貨游宴馴而極之其後傾外廷之
力徃、不能芟除祇相因而靡蓋彼晨夕上前瞬息異態
乍嘖乍笑其機莫測雖請劍絕裾持之甚堅而不得其要

領非全策也王岳范亨以內臣而剪內臣要領得之矣其
權獲倍於政府亦無以勝之將狗馬鷹犬之好真有一日
不能釋者耶諺有之曰日中必暍方廷諍閣議時相有韓
魏公者出空頭勅立斷諸閣可瓦解也乃濡忍而閣禍用
成亦操力才割矣

中旨內官監太監楊森守備天壽山余俊守備南京三千營
太監張永調神機營把總提督十二營奮武營太監魏彬代
永劾勇營太監吳軻代彬顯武營太監王潤代軻尚衣監太
監賈和代潤兼管神機營中軍頭司

確山縣天鳴地震

己未少傅大學士李東陽乞休不允初閣議東陽語稍緩中
人謂非其事也東陽祖劉謝而泣隄曰何貌為窮之果欲去
請俟之十里外

談遷曰大臣不可則止諤而爭脫履去之道之正也竊
謂劉謝當不然先帝馮玉几而命之遠喻周公之圖近
過佳兒之委篤望如此一朝驚隔辭章朝工解組絕出宛
解陰護諒不再得身既隱矣念先帝付託之重飲泣難
安洛陽餘姚自宜去長沙自留彼此未為失也但如王魯
之誅雷允恭韓琦之逐任中正大奸之去如距斯脫以觀
今日均未投其會矣今或厚獎劉謝而訾長沙之覲顏不
亦苛乎

陝西總制右都御史楊一清以寧夏貢紅花役卒千人請停
之不聽

酉刻金星晝見萊州地震自癸丑後連震二十五

庚申李東陽復乞休以同官皆去臣獨留何詞以謝天下不
允

壬戌吏部尚書焦芳兼文淵閣大學士左侍郎王鏊兼翰林

學士並直閣芳素不協士望前泄伏闕事於中人故德之
癸亥慶陽流星聲如雷

甲子夜威茂地震

乙丑命焦芳仍署吏部

御馬太監劉彛管福建市舶司

成都地震

丙寅水旱免保定河間永平天津田租

御馬監太監陳貴鎮守宣府

丁卯夜月犯鬼宿東南星

戊辰焦芳辭部務

庚午萊州地震七日

壬申拓外戚都督同知夏儒賜第工部乞罷役不聽

茂州汶州地震

癸酉刑科給事中呂紳乞留劉健謝遷不聽

太常寺少卿喬宇祭中岳還言所歷山陝游荒守令多非其人乞加甄別從之

福建道監察御史秦銳糾儀趨緩下之獄謫江浦知縣

甲戌天壽山守備賈性淫刑殺人下獄論死已減戍南苑

永定工杭漳州地震漳州隕星聲如雷

乙亥兵部尚書許進改吏部尚書

十月己卯太常寺少卿喬宇言商湯陵在滎河縣北啗於河請

立廟祭從之

夜月犯金星

辛巳兵部左侍郎閻仲宇為尚書

乙酉吏部右侍郎梁儲為左侍郎少詹事兼翰林學士江濶

為吏部右侍郎

許徽王彰德田二百十三頃有奇原本衛屯額非制也戶部

言之不聽

許鳳陽守備太監倪文蕪轄鳳廬等府衛軍民

外刻木星晝見

丙戌陳和華珩為南京試監察御史

陳厥太監止聚言蘓松民輸布三十萬匹自三月迄今僅收

二萬五千匹必司庫難之乞戶部限收遂定旬日收五萬匹

南昌南康大雷雨安遠地震

丁亥兵部右侍郎馮中錫為左侍郎南京兵部右侍郎韓重

為兵部右侍郎

己丑夜月犯昴宿西第二星

辛卯工部右侍郎兼左僉都御史張憲為右都御史仍整理

兩浙鹽法

進浙江安吉縣為州湖州府

南京戶部尚書秦民悅致仕

前太子太保南京兵部尚書王軾卒軾字用敬公安人天順

甲申進士授大理評事歷南京兵部尚書貴州米魯叛兼右

副都御史討平之改南兵部性淳謹自奉簡約事不避險所

至有聲而黔功尤鉅

壬辰夜月犯井宿

癸巳提督撫治鄖陽右副都御史孫需為南京兵部右侍郎

荆府樊山王規澤薨謚溫懿

己未刑科給事中德清陳震調六安州判官時論囚宜守科

候命以退食緩之

丙申勅兵部尚書閻仲字同太監苗達英國公張懋等提督

團營

丁酉南京監察御史長興陸崑等劾太監馬永成魏彬傅興

羅祥谷大用蒙蔽左右游宴無度乞盡行屏斥以絕禍端不

聽

己亥南京右都御史高銓為南京戶部尚書南京標江右副都御史雍泰辭

不

後府都督僉事王銘卒

癸卯提督兩廣軍務兼巡撫右都御史熊繡改南京右都御

史

甲辰戶部尚書韓文罷劉瑾等同隙不可得適內庫屬金歸

罪之鑄級致仕戶科左給事中徐昂救之遂落職昂除名瑾

遣人偵文見跨蹇野宿而去裝不盈車無以罪也

署通政事禮部右侍郎沈祿卒祿宛平人貢士授通政司經

歷以婦為昭聖皇太后姑弘治初超進右叅議歷今官雖

藉戚畹其友愛足多也贈尚書

九江大雷電

十 丁巳巳朔 上視郊牲

戊申南京戶部右侍郎陳金為右都御史總督兩廣軍務兼

巡撫

庚戌昏刻赤星自紫微流并宿七小星隨之青州有氣如龍

色紅黃已蒼白而散

辛亥戶部左侍郎顧佐為尚書

戶部主事蘇時秀收鈔忤劉瑾調鎮江通判

復楊玉錦衣衛都指揮僉事先降干戶遇赦調萬全都司帶俸

南京給事中戴銑等御史薄彥徽蔣欽等劾太監高鳳從子

得林冒陞錦衣衛指揮僉事兼宴朝廢學游宴驅馳射獵

非體忤旨盡逮銑等三十人入京

昏刻金星祀壘壁陣西第六星

甲寅南京太僕寺卿王珩為南京戶部右侍郎

丁巳中旨命給事中俱守科而錦衣衛直宿指揮仍領

之

戊午都指揮僉事溫和為右府署都督僉事總兵鎮守薊州

永平山海

庚申進李東陽少師兼太子太師吏部尚書華蓋殿大學士

焦芳太子太保武英殿大學士王鏊戶部尚書文淵閣大學

士

辛酉戶部右侍郎張縉為左侍郎光祿寺卿王佐為戶部右

侍郎南京工部右侍郎葉賢改刑部右侍郎易州山廠工部

右侍郎吳洪回部

夜月生暈白虹彌天

甲子即墨三表山崩

乙丑命順天尹祈雪

兵部主事王守仁謫貴州龍場驛丞跡救戴銑等下獄杖三

十

王世貞曰雙溪雜記言王伯安奏劉瑾被撻幾死謫龍場

驛丞名聞天下楊文襄公作上海日公草墓志銘其說亦

同而加詳攷之國史與王文成年譜行狀文集止是救戴

銑等下獄被謫本無所謂劾瑾也以楊文襄在吏部用文

成為屬王恭襄在本兵與文成若一人而鹵莽乃爾安在

不其為野史家乘耶

丙寅雲南按察使張恕為南京右僉都御史提督操江

兵部左侍郎馮中錫改南京工部左侍郎通政司左通政王

敞為通司政使太常寺少卿孫交為光祿寺卿

故邨府妃汪氏薨時疑其禮閣臣王整曰妃廢非罪當復故

號祔景帝陵塋以妃祭以后禮部儀注如之輟朝三日祭

九壇

戊辰潮州見火星如斗落而復起轉大如箕

己巳戶部郎中郝海工部員外郎畢昭濬會通河

四川燕兒崖番蠻耳多折從得失寨番蠻合見結入寇被獲

其族縛合兒結贖之

太原地震聲如雷

庚午南京光祿寺卿胡諒為工部右侍郎理易州山廠

夜寧夏中衛星隕輦昌流星如火往西南聲如雷數星隨之

辛未右僉都御史林俊辭巡撫江西致仕

高顯何亮張九達周用胡鎮為南京給事中

癸酉巡撫延綏右副都御史文貴為兵部左侍郎

監察御史陳琳請留劉健謝遷救戴銑等謫揭陽縣丞

悉除曲阜稅

綏德衛指揮同知藍海為署都指揮僉事統練延綏土兵從

征

甲戌陳察羅鳳李鑑李春芳吳蘭何棐喻文璧王奎張璉任

賢為南京試監察御史

萊州地五日九震俱聲如雷

吏部左侍郎兼翰林學士張元禎卒元禎字廷祥南昌人天

順庚辰進士館選授編修憲宗初勸行三年喪尋引去二十
餘年弘治初召修實錄進左贊善勸行王道實錄成進南京
侍講學士歷令官肆力學問專討張朱緒論所友胡居仁陳
獻章婁諒羅倫陳選輩晚不入時頗來姍侮然終不失為君
子或以殖產病之亦責備之意云

李東陽曰公為詩文始務奇崛勇脫蹊徑晚就平實若出
二手然類為人所重莫為軒輊論議揭、尤深嫉惡至不
可近及再入宦途益寬厚雖後進寒士亦與抗禮顧或為
貶抑要其中容有所見賢者之不可測如此天每艱於生
才才者未必有如公者豈易得哉

王鏊曰公入翰林未幾即歸卧林下不起名高一時天下
士想望其丰采及一旦起立華要駿、大用或者始忌而
毀焉昧者弗察紛然和之亦不復究其初之何如也一公
之身胡前譽之多後尼之深耶然公之名在天不固不可
得而掩也

袁宏曰張公好理學有盛名家居三十年以累薦起奮躋
清華然卒困於讒口夫一人之身而先後毀譽頓異若此
是惡足盡信哉

中旨罷左都御史張敷華工部尚書楊守隨先是敷華上言
孝宗皇帝至德深仁上畏下憫方大有為而龍御上升繼
序不忘實在陛下夫何夏秋以來宴樂佚游日狎愴壬政令
與詔旨相違行事與成憲相乖以致上千天變下失人心臣
等所曠職而負慚言官所切忠而懇跡者也今給事中劉滌
御史朱廷聲等連章論列陛下但付所司英國公張懋與
臣等列名上請陛下曰朕自處置臣切歎之臣請言時政
之弊四十萬庫藏已竭而取必足數五七歲童子何能而招
之勇士織造停矣又織造傳奉章矣又傳奉鹽法方遣整理
而太監崔昇復奏帶引鹽地土方遣科臣清覈而太監張永
仍奏討田地管操太監何以數更鎮守內臣何為屢換王欽
鄧廣未嘗到部而與甘寧監槍則政令紛拏章經索取管庫
而推僱覓水手則弊端滋蔓國家大事百臣爭之不足數人
壞之有餘賈誼有言天下大器置安則安置危則危臣願
陛下審所置焉不報守隨上言陛下春宮之時莫明煥發
有過人之稟早夜嗜學有希聖之功親禮師儒有重道之志
辨別君子小人有不惑之明不近左右佞倖有剛正之操臣
民仰之以為今日太平之望而先皇龍馭顧命諄言猶

在耳 陛下嗣位率由舊章夫何數月以後左右近臣不能
祇承德意竟取先朝良法善政而更張之盡誣先朝直臣碩
輔而剗汰之天下嗷、莫措手足怨咨之風致生災變 陛
下獨不思其故乎今內臣劉瑾馬永成谷大用張永高鳳丘
聚羅祥魏彬等八人各以奸險之性巧佞之才希意導諛誣
上罔下恣意肆情外人目為八虎而瑾尤甚 陛下獨與聚
處馳逐又親信而愛護之 今日以供游荒樂之事導 陛
下明日以諂佞承奉之言諛 陛下或於西海擊鷹搏兔或
於南城躡峻登高或胡服而招騎射或飾像以作龜趺禁內

金鼓音聞遠邇宮中火炮聲徹晝夜搬演雜劇假降師巫渚
雜尊卑陵夷賤貴引車騎而供執鞭之役列市肆而親商賈
之事巧飾百技觀中 上心蘭室鮑肆齊街楚語近者日高
未朝漏盡未寢豈其萬幾誠無刻暇此數人者方且親幸攬
權強行暴虐詐傳詔旨放逐大臣刑誅臺諫邀阻賈封黃惑
聖明大開賄賂之門擅專賞罰之典傳奉官員衆至千百募
招武勇歲及童嬰紫綬金貂盡予爪牙之士玉帶蟒衣濫授
心腹之人內外臣僚惟趨瑾勢而已二三大臣受顧託遺今
亦有潛交默附漏泄事情者矣臣於前有會同公卿僚佐切

陳其罪中官傳旨慰免臣等俛伏至以死請逮及日旰方荷
處分臣等懼呼而退以為必正典刑遠鑒延熹既往之愆毋
使臣蹈蕃武已覆之轍凡內官有在八虎名下及與相厚善
者悉行放出別選廉慎端恪之人以備左右使令之役將君
德自正治化自清並不報

是年猥賊掠德慶州之都城殺巡檢卒智千戶林熙高謙

丁卯正德二年

正月亥朔日食

上不朝免賀御門如常儀

丁丑內官監太監黃準侍皇陵兼守備倪文調南京司禮監
太監御馬監左監丞滿隆守備朔州召李岑還

己卯雍王祐榑薨年三十謚曰靖亡子歸塋西山國除

徐學謨曰列省藩封之盛莫楚若也然歲脍其民以供常
祿故地沃而民貧洞庭以南惟衡州稍饒給者非以雍邸
之絕封故耶天潢之派方蒸、繁茂它日益封衡知不免
矣

申刻金星見

壬午朔地震

甲申永嘉地震有聲時桃李實群花發二麥穗

乙酉 上南郊行慶成禮免宴

夜福州地震

丁亥都知監左監丞王忻分守密雲古北口召韋祥還

夜月犯井宿東北第一星

戊子河南山東左布政使汪舜民柴昇湖廣右布政使曹鳳

並為右副都御史舜民提督撫治鄖陽昇巡撫江西鳳巡撫

延綏

吏部 郎中張志淳為太常寺少卿提督四夷館時遷官

俱賂劉瑾若文職則志淳始

分守涼州太監張昭役卒捕土豹野味巡撫曹元乞止之不

聽

己丑都知監右少監王秩分守開原召黃延還御馬監右少

監許成守備山海關召邢玉還

辛卯 工不豫

癸巳仍錄前年六月大同戰功賞格濫甚

總制宣大右都御史劉宇回院宇自陳修繕功賂劉瑾以萬

金使子俸父事之召勅未出字先至都門外
甲午建平伯高塞下獄毆舍餘王鍾致自經也論贖復爵
丁酉太監黃準守鳳陽乞符幟工部尚書曾鑑等以非鎮帥
得寢

己亥前南京刑部左侍郎張撫卒撫贖雞人成化壬辰進士
授刑部主事疎布矯庶撫貴州寄幣千戶某耗之迫索至鬻
女償納生平無他才以奕著

辛丑工科右給事中陶諧自請署印下獄杖戍

壬寅戶部員外郎李夢陽謫山西布政司經歷兵部主事王
綸謫順德推官中旨謂夢陽附韓文王岳綸附劉大夏蓋瑾
意也

南京前府安鄉伯張恂卒

廣東盜襲韶州執同知韓銑死之贈右叅議

閏正月己巳朔許太醫院使王玉致仕復其右通政

丙午上疾良已視朝

奪故永平大長公主賜第為酒醋麵局外廠署局事太監周
魁請之匿公主名謂長陵衛李慶故宅主孫李梅疎言公主
遺像鳳床班劍等猶在也命給直千二百金

丁未中旨增補守備內臣都知監右少監屈讓往薊州黃崖
口等營右少監王鑑往臺頭營司設監左少監萬釗往永平
太平寨青山營印綬監右少監劉睿往遵化灤陽等關都知
監右監丞高永往劉家營印綬監右少監李準往薊州鮎魚
石御馬監左少監馮旺往峨嵋山等營都知監左監丞張鼎
往黃花鎮御馬監左監丞張仁往天城兼管神鏡都知監左
監丞王景和往懷安衛都知監右少監孟山往龍門所俱守
備都知監右少監畢安分守萬全左衛又冠帶舍人魏英張
容張寰舍人谷大玘馬山俱世錦衣衛百戶太監魏彬張永

谷大用馬永成之弟

監察御史劉慶閻睿趙祐房瀛陳鍾孫迪劉子厲核邊餉

已酉巡撫陝西右副都御史張泰為大理寺卿

中旨都知監奉御郭奉管神機營左哨頭司趙瑛管三司崔
林管中軍右哨二司右監丞溫暹管三司

庚戌南京兵部尚書林瀚降浙江布政司右叅政應天府尹
陸珩降兩淮都轉運鹽司同知並致仕守備武靖伯趙承慶
奪半祿杖給事中火洪呂珣劉漚南京給事中戴銑李光翰
任惠徐蕃收相徐暹御史薄彥徽貢安甫王蕃葛浩史良佐

李熙任諾妣學禮張鳴鳳陸崑蔣欽曹閔於闕下御史黃昭
道王弘蕭乾元逮未至命即南京闕下杖之俱削籍王蓄任
諾始下鎮撫司詭事不預知錦衣衛指揮牟斌曰古人悔不
與黨君乃悔耶獄具劉瑾欲去奏首權奸字斌不可語同官
曰留此以為諸公地昔宋鄒浩以失原奏被害吾儕毋自為
計瑾惡之林瀚以趙承慶陸珩示艾洪等跡太息蒙謹蔣欽
劄甚卒初草奏鬼夜誼焉歎曰吾義不得顧私及拜杖不瘳
曰吾暝矣按戒庵漫筆元年十一月己卯蔣欽貢安甫史良
佐同上跡下詔獄明年閏正月望日欽又獨跡杖三十又明

日又上跡被杖死是欽凡三跡前後史不載

中旨御馬監太監彭文提督九門御用監太監金義管神機
營中軍右掖三司印綬監太監張辰分守四川建昌行都司
壬子翰林院學士白鈺太常寺少卿兼翰林侍讀學士李旻
教習庶吉士順天府尹林洋為戶部右侍郎提督倉場
工部尚書曾鑑致仕
中旨南京守備內官監太監鄭強改署司禮監內官監太監

劉珣彭恕同強守備
陝西都指揮使劉瑞以上入謫成念薄失宥之

工部尚書曾鑑卒鑑字克明桂陽人戎籍生京師天順甲申
進士授刑部主事辨通州枉盜改工部歷今官謹厚勤勵無
少失德贈太子太保

癸丑少詹事兼翰林學士楊廷和為詹事專內閣誥勅

懷柔伯施瓚總兵鎮守貴州

丙辰巡撫甘肅右副都御史曹元改陝西

中旨光祿寺丞楊瑋謫山西隰州同知

神機營中軍右掖御馬監太監孫和改立威營并中軍四司

尚膳監太監張俊筦中軍右掖

丁巳中旨錦衣衛北鎮撫司指揮僉事牟斌調南鎮撫司千

戶潘杰同范宣北鎮撫司理刑

馮時可曰當武宗時薈蔚朝隣上下靡一矣乃有不為

威怵不為利疚如牟斌者豈非叢棘中之蘭蕙耶

己未秦府鎮國將軍誠澈進封秦王保安莊簡王公鍊之庶

子祖訓無郡王庶子進封孝宗寢之至是特命

夜月犯靈臺下星

庚申工部右侍郎李繼為尚書刑部左侍郎何鑑為南京兵
部尚書河南左布政使才寬為右副都御史巡撫甘肅

中音杖南鎮撫司牟斌於闕下降百戶開住

辛酉禮部尚書張昇致仕進太子太保

掖縣地震聲如雷逾五日復再震

壬戌秦州衛指揮同知郭遯為陝西署都指揮僉事遯布衣募兵勦石城滿俊功授錦衣衛鎮撫歷指揮數從征著威名入固原問郭遯存否至是楊一清薦

癸亥太子太保刑部尚書閔珪致仕進少保給月廩五石歲役六人

右府帶俸都督同知神英僉書左府

盧龍遷安灤州大風拔木晝晦

甲子右都御史劉宇為左都御史刑部右侍郎葉贊為左侍郎南京刑部右侍郎王鑑之為刑部右侍郎

乙丑械尚寶司卿崔璿湖廣副使姚祥於長安左右門工部郎中張瑋於張家灣璿封使祥赴官瑋巡河俱乘輿為東廠偵校所糾下鎮撫司獄上中旨械兩月劉瑾欲樹其威尋李東陽疏救十日釋永成遼東鉄嶺衛

大風壞奉天門右鷓鴣曉刻月犯房宿鬱林北流博白陸川潯利衛地震聲如雷

丁卯南京吏部尚書李傑改禮部尚書工部右侍郎吳洪為
左侍郎總督南京糧儲右副都御史張泰為工部右侍郎
戊辰豐城侯李璽卒

己巳右都御史屠勳為刑部尚書巡撫寧夏右僉都御史劉
憲為南京刑部右侍郎

中旨罷巡撫宣府右僉都御史車震

戶部主事張文錦收芻或爭門蹠死削文錦籍

秦府永興王誠瀾薨謚榮惠

庚午中旨南京監察御史潘鏜附故閣王岳削籍劉瑾盜大

柄每奏雜伎工前樂甚間進封事請裁工曰爾何為乃一

一煩朕也故瑾取臆決矯旨上多未悉也

監察御史王濟印馬直隸河南山東還言徵駒擾民自今止

收種馬其高四尺以上齒十歲存之餘輸金兵部覆從之期

三年遣御史二同太僕寺丞分印種馬

夜泳星自斗柄西北行至鈞陳二小星隨之

壬申太僕寺卿儲燿為右僉都御史總督南京糧儲

癸酉禮部左侍郎王華為南京吏部尚書

申刻大風霾雨土

甲戌右僉都御史張爾為右副都御史
傳旨吏部攷兵備勸農管糧捕盜水利官添設者

工部左侍郎吳洪脩京通倉
右通政姜清卒 成化甲辰進士

總督兩廣右都御史熊繡總兵官伏羌伯毛銳副總兵康泰
勦賀縣徭賊平之

二月外閣臣疏請早朝報聞

壬午禮部申明禮制榜例衣冠服舍輿蓋筵宴等俱如制或
特賜服不論錦衣衛都指揮葉廣等言本衛恩賜多異於諸

司遂仍如舊

中旨內官監太監趙剛同署都指揮僉事楊恭守備山海關

司鑰

工部左侍郎吳洪脩上林苑行殿

乙酉大裁內外添設官百十八員

命太僕寺簡畿內馬五千匹入御馬監

曉刻萊州天鼓鳴

丙戌大理寺少卿張鸞為左僉都御史通政司右通政陳鼎
為太僕寺卿

丁亥禮部右侍郎劉機為左侍郎國子祭酒張潔為禮部右侍郎

戊子工部營繕員外郎錢仁夫致仕時劉瑾橫噬仁夫得請朝士羨之

甲午太常寺少卿兼翰林侍讀李旻為寺卿署國子祭酒都指揮僉事仇鉞為游擊將軍屯寧夏清水營

兵部右侍郎韓重右副都御史張鵬清理貼黃

中旨召宣府總兵李杲還副總兵白玉為總兵代之

乙未河間知府李文淵擅調驛馬發於廠校命下鎮撫司請

廣東

丙申中旨尚衣監太監金鐘堯神機營中軍右哨

丁酉前府都督僉事王受卒世金吾右衛指揮使

戊戌江西清軍監察御史王良臣疏宥戴銑等瑾矯旨下鎮撫司以黨護杖闕下三十削籍

巡按直隸監察御史王時中行部嚴治罪闔東廠太監立聚附劉瑾立威偵逮鎮撫械於都察院門滿月方奏時中疾甚婦來泣省左都御史劉宇過之以請遂戍遼東鉄嶺衛

壬寅分守察雲古北口左監丞王忻乞改鎮守免鎮巡官節

制許之仍賜符幟

癸卯鄭王祐於薨年三十四謚曰康王

三卯午傳旨復中書舍人孫伯堅大理寺右寺副沈銳司賓署

丞盧永春孫伯義司儀署丞孫伯強原俸初皆傳陞半俸

丁未吏科給事中吉時諱鶴慶軍民府知事直登聞鼓不受

訴致自殘下獄杖遣

己酉裁管糧捕盜勸農等通判四百四十五員

庚戌萊州地震

逮巡撫山東右副都御史邵武朱欽勒致仕欽嘗劾瑾殺王

岳事瑾屏不以聞後禁酷有自縊者東廠訐奏濟南知府趙

璜削籍推官張元魁戍邊

陳善曰傳云無畏人畏朱公以畏名齊而獨不畏瑾廷辨

顯諍有舉世所不敢言者嗚呼壯矣世之悼者率多靡

實非剛也真狠耳夫惟其有畏斯能無畏哉

辛亥傳復外戚張岳張忱俱錦衣衛指揮使金琦張麒高恒

俱指揮僉事朱臣張教俱正千戶金鹵任英梁露李衢俱百

戶

壬子傳徵趙福等六十三人育鷹內苑

癸丑傳陞外戚夏助錦衣衛指揮使夏臣指揮同知葉相何
謙正千戶葉椿葉鏜夏傑百戶並世秩

復毛倫署都指揮僉事初附汪直威寧功歷都督同知直敗
削籍薦起守潯梧還京營至是辨訴功尋加右都督

貴州宣慰使安貴榮以安定功進右叅政

乙卯申刻大風霾

丙辰外戚都督同知夏儒封慶陽伯

許琉球國王尚真歲一貢初朝貢不時成化十一年使還掠

福州始令二年一貢比踰期始餉奏

湖廣清浪衛大雨雹傷稼舍

己未詹事楊廷和翰林學士劉忠為南京吏禮部左侍郎故

事內侍右而不左廷和忠皆不私謁瑾銜之屬吏部尚書許

進踪名請時謂進伉直亦多狗瑾

夜月犯房宿南第三星

庚申命裁文臣贈詹例閣部重臣及宮僚秩滿給告身者例

詹一輩勲臣及文臣二品上著績方加贈凡謚詹祭葬三品

以上未秩滿給告身者濫允罪之凡恩典俱所司酌請取

上裁未嘗濫劉瑾欲政自己出也

總制陝西延綏寧夏甘肅邊務右都御史楊一清引疾去
戚畹錦衣百戶沈傳吳讓為指揮僉事

辛酉南京國子祭酒章懋引疾去

召鎮守陝西太監王與調山西太監王宣代之內官監太監
朱秀鎮守山西

壬戌傳陞大功德寺住持宗澤僧錄司左覺義緇涿率賂近
侍稱門僧傳陞乞陞至填署不能容

癸亥大慈恩寺禪師領占足陞灌頂大國師大能仁寺禪師
麻的室哩塔而麻穆耶那卜堅然大隆善護國寺禪師着甫

藏卜俱陞國師給告身 上頗習番教後大內創寺日誦經

雲南師宗州土民阿本作亂巡撫右副都御史吳文度征之

初裁雲貴巡撫及臨安騰衝兵備副使至是暫留

甲子登州關侯廟賜額忠義武安王

廣東兵備副使王倬以崖州峒黎恣掠親攻之賊奔潰

乙丑河南提學副使王勅為南京國子祭酒

戶部郎中劉繹往遼東理餉廠校刺其乘輿濫役械戶部門

滿月

丙寅閣臣請經筵日講

大風霾

戊辰郊刻金星見

己巳陝西行都司地震

辛未勅文武群臣曰朕幼冲嗣位惟賴廷臣輔弼匡其不逮
豈意去歲奸臣王岳范亨徐智竊弄威福顛倒是非私與大
學士劉健謝遷尚書韓文楊守隨張敷莘林瀚郎中李夢陽
主事王守仁王綸孫磐黃昭檢討劉瑞給事中湯禮敬陳霆
徐昂陶諧劉滌艾洪呂紳任惠李光瀚戴銑徐蕃牧相徐暹
張良弼葛嵩趙士賢御史陳琳貢安甫史良佐曹閔王弘任

訥李熙王蕃葛浩陸崑張鳴鳳蕭乾元姬學禮黃昭道蔣欽
薄彥徽潘鏗王良臣趙祐何天衢徐珏楊璋熊卓朱廷聲劉
玉通相交通曲意阿附或傷殘善類或變亂黑白煽動浮言
行用頗僻朕雖察審尚務優容後漸事跡彰露彼各反側不
安因自陳休致若自備則寘譴謫其勅內未罪吏部勒令致
仕母使稔惡追悔莫及張懋等遇奏列銜朕皆爾釋後母蹈
覆自貽累辱是日跪諭群臣於金水橋南其勅瑾私筆或曰
焦芳為之

張璜謝訥郭楫曾大顯張顥段昇張雲周鑰白思誠張潤吳

儀為給事中

壬申曉刻金星犯外屏西第二星

癸酉夜流星自文昌派東北行近濁

南京通政司右通政夏崇文卒崇文字廷章湘陰人太師原
吉孫成化戊戌進士授南京吏部主事歷郎中通政右叅議
太僕少卿有文學端雅清朴 孝宗時疏救進士李文祥屢

言事見採

前巡撫貴州右副都御史錢鉞卒鉞仁和人天順甲申進士
授南京刑部主事歷撫山東河南轉南京光祿太僕卿憂去

起撫貴州激米魯福佑之變性貪鄙携橐空青亦數十斛後

劉瑾毒陷籍其貲妻子編配

四 丙子賜魯所鉅野恭定王陽澄墓碑曰旌孝

入大同禦却之

丁丑吳世興嗣恭順侯

禮部右侍郎張潔為左侍郎翰林學士白鉞為禮部右侍郎

旱災免貴州田租

已卯賜巡撫延綏都御史文貴等金綺邊故有土整雖小而
堅文麗其外而內木糜費巨萬後多見焚於

工部尚書李鑑預製鰲山燈

癸未喬岱魏彥昭字文鍾陳禹趙應龍李仲方德懋劉溥孟醇王注陳伯安原軒李紀儲珊王禹楊邦鎮宋璉為試監察御史禹邦禎南京

中旨以錦衣百戶崑景祥小旗張錦成遼東鉄嶺衛杖四十錦斃

丁亥兵部尚書閻仲宇致仕進太子太保

己丑寧王宸濠請音樂院色長秦華等冠帶如教坊司禮部言親王樂工例不冠帶上特許之濠僭端見矣

庚寅禮部主事陸坦罪免坦竊官物前東廠太監王岳發之

下獄擬削籍劉瑾惡岳故幸間住

辛卯刑部左侍郎葉贊致仕

甲午左都御史劉宇為兵部尚書

許守備懷安都知監左監丞王景和兼管順聖川

乙未西城坊草場火

丙申刑部右侍郎王鑑之為左侍郎巡撫河南右副都御史陶琰為刑部右侍郎

丁酉中旨官校王縉郭仁張欽羅錦薛鑑沈銳劉雄朱綬董

安皆王岳黨戎邊

寧夏衛地一日三震

己亥前太子太傅吏部尚書屠滄為左都御史

辛丑曉刻月犯昴宿北第二星

壬寅兵部尚書劉宇兼督團營訓練

五甲辰總督漕運兼巡撫鳳陽右副都御史洪鍾滿三考加右

都御史

己酉朝鮮國王李愷以疾無子求弟晉城唐懌署國事從之

中旨司設監左少監王鎮堯神機營左掖頭司

辛亥杖監察御史馮允中削籍允中刷卷南京叅指揮張翰

等罪翰許其復命枉道得罪翰等不問

癸丑中旨都知監左監丞梁瑤莞浙江市舶司還張和南京

守備山海關太監趙剛改分守

定河南各王府堵價鎮國將軍給二百四十金輔國減六之

一奉國減輔國五之一中尉減奉國四之一

丁巳昏刻月食

戊午許度僧三萬人道士萬人

順天府丞周璽下獄錦衣衛都指揮楊玉言臣同監丞張淮

戶部左侍郎張縉左僉都御史張鸞會勘皇莊墾於臣止移
檄見輕遂下鎮撫司杖訊重竟死獄中重嘗居言路頗侮朝
士人亦不甚惜之

辛酉中旨令兵部主事謝迪致仕謫兵部員外郎李昆解州
知州御史陳伯安南充知縣迪大學士遷之弟昆伯安忤劉
宇俱譖瑾去

南京太常寺卿呂憲致仕

癸亥宣府副總兵都指揮俞勗白玉以援虞臺嶺功進署都
督同知

甲子南京吏部左侍郎楊廷和為南京戶部尚書南京禮部
左侍郎劉忠為尚書總督漕運右都御史洪鍾改南京右都
御史

乙丑通政司右通政盧亨為南京太常寺卿

丙寅處置兩淮鹽法右副都御史王瓊總理漕運

浙江左布政使林符致仕進右副都御史

己巳復南昌左衛為寧王護衛護衛革於天順初至是宸濠

賂劉瑾以請

撫治鄖陽右副都御史汪舜民為南京右副都御史順天府

尹余俊為南京工部右侍郎俊初任布政被劾知劉瑾必秉政賂之故特旨用俊本俞俊為余

曉刻金星犯畢宿

庚午兵部尚書劉宇請內外諸司會選將才從之

中旨錦衣正千戶張容為指揮僉事同覃泰莞南鎮撫司百

戶谷大玘指揮僉事同朱成管象房百戶魏英正千戶舍人

丘安馬勉錦衣百戶俱世襲

亥刻順聖川西城旗端有火雨滅之

壬申工部郎中劉汝靖憂居侵官地下錦衣獄杖三十削籍

六月亥夜流星自中天雲中東北至雲中而散

丙子丁入寧夏鎮北等墩

戊寅謫刑部主事李璋與團州判官許承芳棗陽知縣故刑

部右侍郎郝志義子序乞祭塋下序刑部璋等擬罪失劉瑾意

俱下獄

亥刻萬全右衛洗馬林堡大雨雹

總制陝西右都御史楊一清請脩邊垂成乞遣大臣續之命

寢役盡徵其費入京

庚辰中旨都知監右少監韋祥分守陽和召侯富還

癸未前巡撫保定右僉都御史韓福總督蘓松糧儲

丙戌南京右副都御史汪舜民卒舜民字從仁婺源人成化

戊戌進士授行人拜御史坐累謫蒙白衛經歷遷東莞令歷

今官才有略矯以風節自勵

戊子右府武定侯郭良卒良世勲戚皆中落好聚書下士

犯大同工備邊六策

辛卯復戚畹邵英錦衣帶俸指揮使喜百戶

丙申舒晟張羽况光洪範吳祺羅縉嚴紘田坪仇惠王璠謝

琛馮顯林李瓊李雲賀泰為試監察御史琛南京

甲辰巡撫湖廣右副都御史湯全致仕

乙巳兵部右侍郎韓重為南京工部尚書

丁未致仕禮部司務孫聰改兵部贊畫大同瑾妹適聰故巡

撫崔巖鎮守太監侯能薦起之

戊申造司禮左監丞張淮戶部左侍郎張縉左僉都御史張

鸞錦衣衛都指揮僉事楊玉覆勘豐潤魏家店庄田初弘治

十年爭界屢勘未明至是巡撫右副都御史柳應辰戶部郎

中何文縉員外郎胡經胡雄刑部員外郎陳輔順天通判杜

萱等坐前事並下獄削籍

雲南兵破師宗州盜阿本渠帥張華就擒

景州知州馮馭為致仕僉事孫博評奏遠錦衣衛杖之百戍邊

己酉巡撫陝西右副都御史曹元為兵部右侍郎
平衛地震有聲

辛亥武平縣大風雨壞城舍

癸丑巡撫江西右副都御史柴昇改陝西巡撫四川右僉都御史劉纓改湖廣

左春坊左諭德兼翰林侍讀傅珪侍讀顧清主試應天

己卯周王睦嚮言自永樂洪熙間加祿至二萬石弘治初支如定制乞仍加額詔以始封定王故歲加二千石

祀采朱熹於台州

己未上五百餘騎入莊浪鎮羗等堡

勅修山東魯子廟

壬戌中旨遣御用太監甄瑾奉湖廣太和山

甌寧縣火

癸亥前南京協同守備武靖伯趙承慶卒

乙丑翰林編修謝丕引疾削籍劉瑾怒其父遷也

戊辰曉刻火星犯積尸氣
長泰縣大雨水涿八百餘家傷稼南靖縣亦如之

辛未揚州白塔河成

八月申朔黃河清

癸酉南京右都御史洪鍾為南京刑部尚書

乙亥鎮守浙江太監劉璟以詔市果品禽乞贖費從之於是

採邏四出東南騷動

戊寅後府都督僉事戴廣卒世大寧衛前正千戶

己卯右副都御史張為南京右都御史

中旨御馬監太監何名分守大同右衛宋斌改左衛守備召

蔡恩還

丁酉歷代通鑑纂要成

戊戌固原驟雨河溢壞城舍

辛丑予告監察御史高胤先坐借官車逮錦衣獄廷杖民之

七 癸卯示內閣通鑑纂要訛字奪禮部左侍郎劉機學士劉春

太常少卿費宏侍讀徐穆編脩王瓚等俸太僕少卿季通禮

部郎中胡清大理左右寺副何澤劉學右評事李理中書舍

人王珙劉訊鴻臚寺序班周令林應禧錢祿張天保勒致仕

中書舍人沈世隆吳瑤鴻臚主簿童漢序班郭晟沈秀康世
鳳朱昇何珍張祚張崑貢士華淳監生張元澄邵文恩汪惇
王璿高崙張桓許魯黃清汪克章並削籍時李東陽等核訛
字惟沈世隆吳瑤張桓華淳邵文恩而并黜其餘則瑾之專
也

巡視居庸關監察御史王渙失報唐冢嶺之盜下鎮撫司杖
之削籍渙方引疾掌道御史邢昭經歷冉繼志以擅收印謫
昭高密縣丞繼志長子知縣
沂州地震聲如雷

廣西南寧太平地震有聲

庚辰翰林學士劉春侍讀吳儼主試順天

安遠侯柳文總兵鎮守兩廣

辛巳世宗皇帝生於安陸

壬午韶州同知韓銑征獐賦死之贈廣東布政司右叅議
癸未左僉都御史張鸞為右副都御史

甲申中書起復楊瑔光祿寺卿署鴻臚寺事

工部都水主事歐陽瓊養疴久降崇德知縣

乙酉廣西太平府地震

丙戌少師兼太子太師吏部尚書華蓋殿大學士李東陽加
俸一級進雋芳王鏊少傅兼太子太傅芳謹身殿大學士鏊
武英殿大學士吏部尚書許進兵部尚書劉宇並太子少傅
治豹房上居之不復入大內

丁亥召南京戶部尚書楊廷和直文淵閣

戊子中旨太子太傅伏羌伯毛銳鎮守淮安兼漕運總兵召
郭鉉還

辛卯總督蘇松糧儲右僉都御史韓福還院

壬辰陝西巡按御史李高兵備副使張天衢蘭州知州姜閔

並成肅州閔與甘肅游擊將軍徐謙有隙被訐聞於院道刑

部右侍郎陶琰錦衣衛指揮余真勤工謂瑾意右武左文謙

止奪俸三月

癸巳錦衣衛都指揮使葉廣卒廣青田人贈右府都督同知

丙申錦衣衛都指揮同知高得林署衛印并提督官校

丁酉播州宣慰使楊斌以平普安蠻功賂瑾加四川按察使
故事土官有功惟賜衣帶或賞部卒

己亥四川左布政使羅鑒為右副都御史總督蘇松糧儲
欽天五官監候豐城楊源言大星入帝座乞思患豫防瑾怒

廷杖戍肅州創甚卒於河陽驛妻度氏斬荻瘞之源父浙江
按察使瑄故直節著天啟初贈靈臺即謚忠懷

林之盛曰古者以藝諫况天官機祥與朝廷閔切借此獻
替亦居是職者所宜然第敬事風微曠官實多每有青紫
薦紳結舌若寒蟬者而欲責之司天小臣此實難矣乃楊
公以天文諫繼之以死今誦其牘藹乎忠君愛國之思
溢於象表嗟乎李文正諸人安在而須楊公效其忠蓋耶
九辛丑朔錦衣衛指揮使朱成藁城人王增各獻地為皇莊從
之凡獻地多非已業上不之察遂致訟

中旨錦衣衛指揮同知于永為都指揮同知佐衛事永以房
術幸嘗言回、女姣麗勒都督昌佐進其女樂又請畫召色
目侯伯家女婦入宮中外切齒

曉刻金星祀進賢星

癸卯兵部尚書劉宇進太子太傅

夜派星色青白自羽林南行至近濁

乙巳翰林編修王瓚為侍講江西左布政使文瑄為南京右

副都御史

丙午戶部郎中郝海工部員外郎畢昭等脩大通橋至通州

開墾費四萬餘緡欲免陸運然地勢高下懸絕迄不能舟
巡按浙江監察御史楊滋以海寧嘉善等稅課局課少併之
四川茂威州卜南村曲山等寨自弘治四年叛至是來歸乞
為白人納賦夷俗白為善黑為惡也

丁未中旨革贊畫機務等官例監止冠帶祭身母乞陞

戊申嚴自宮之禁時閩人驟貴愚民競自宮至一村數百人
禁之不為止

庚戌戶部右侍郎王佐為左侍郎總督漕運右副都御史王
瓊為戶部右侍郎

壬子夜深星色赤自奎西行至室

癸丑中旨御馬監太監鄧玉鎮守甘肅召楊定選

甲寅順天府尹李瀚為右副都御史總督漕運

乙卯江西按察司提學副使蔡清致仕時監司朔望朝宸濠
次日謁孔廟清請同日而謁廟先之宸濠生日監司以朝服
清去黻而入見忤因宴嘲清不能作詩對曰臣平生於人無
私蓋詩與私音近宸濠益憾之求復護衛清有後言引疾去
賜秦府西安稅鈔

丁巳巡撫甘肅右副都御史才寬報明水湖之捷斬四十

餘級

錦衣衛指揮僉事呂文英善畫起家例革為百戶奏復之

庚申中旨印綬左少監張溫提督九門

辛酉初晉莊王世子竒源世孫表榮俱早薨先帝追封竒

源靖王表榮懷王靖王餘子表樵表栢表楷皆封鎮國

將軍至是求進郡王禮部尚書李傑等難之廷議先年周悼

王庶子睦棟等乞加封先帝未許然父既追封其子加封

亦宜遂封表樵等王爵而詰所寢睦棟之封出前禮部尚書

張昇奪散官廩役并前侍郎今南京吏部尚書王華與傑俱

罷司官降謫有差

癸亥傳陞錦衣衛所鎮撫朱鐸為百戶

丁卯晉府庶人鍾鏞仍為陽曲王

戊辰夜水木金星聚於亢

萊州地震有聲

己巳傳陞谷奉大用張友永錦衣衛指揮使

庚午雲南安寧新興地震連三日

前湖廣總兵都督僉事歐磐卒滁人世指揮使

十月壬申夜大風霾

癸酉尚寶司卿李珩等以壽節不至勒致仕

甲戌大同游擊將軍署都指揮僉事馮昂為署都指揮同知
中都副留守梅純仍為孝陵衛指揮使純寧國大長公主之

曾孫成化

進士授

知縣解官襲指揮使進副留守

自乞回衛

曉刻土星犯上將

乙亥夜月犯羅堰中星

丙子禮部左侍郎劉機為

禮部尚書南京吏部右侍郎

黃珣為吏部尚書吏部左侍郎梁儲為吏部尚書兼翰林學

士專誥勅仍國史副總裁

陳州衛後千戶所改鈞州守禦千戶所

丁丑大理寺左少卿汪宗器終養加光祿寺卿

謫大理寺署寺正田中蘭谿縣丞署寺副張雲鵬寧遠縣丞

右評寺魯鐸河內縣丞以擬英國公張懋舍人占田罪輕也

傳陞錦衣衛帶俸指揮僉事馮山魏英張富同置泰理南鎮

撫司

戊寅翰林院庶吉士崔銑嚴嵩湛若水陸深翟鑿徐縉為編

修段吳穆孔暉易舒誥張邦奇為檢討邵天和張九叙馮卿

蔡潮高滂林文迪胡鐸為給事中劉寓生李艾黃如金傅元
為監察御史王韋趙中道為南京吏刑部主事
致仕光祿寺卿張駿召至殆一旬仍文華殿辦事

辛巳吏部右侍郎江瀾為左侍郎禮部右侍郎白鉞改吏部
太常寺少卿兼翰林侍讀費宏為禮部右侍郎太常寺卿攝
國子監事李旻為南京吏部右侍郎

寧王宸濠請錄已孝行付史館從之濠喜夸炫且賂逆瑾輒
得請又乞易琉璃瓦殿有旨許二千金原於引錢內支二萬
金給換巡撫林俊言古者采椽不斲茅茨不剪土階贊堯早

宮頌禹儒服河間樂善東平湘州之約儉鎮西之輕財守帝
王籓服美德也寧府移封之初序則至親再造之會國值至
富然皆不用琉璃瓦者寧之先王豈非有遐慕焉今遽改之
數世之後非孝子順孫所以承前美也伏望聖明為懿親斷
大義毋涉叔政京鄙之求吳王几杖之賜宸濠甚銜之

壬午沱州地震

癸未夜火星犯太微垣上將及土星

甲申兵科給事中王翊等覈遼東各倉糧芻多虧腐先後巡
撫張鵬馬中錫鄧璋分守叅政冒政右叅議方矩管糧郎中

王蓋劉繹知州章英等俱有罪徵下鎮撫司為時任南京右都御史中錫侍郎致仕政巡撫寧夏

乙酉大理寺左寺丞費鏜引疾勒致仕

丙戌南京戶部尚書楊廷和入朝改戶部尚書兼文淵閣大學士

惟卓嗣秦王

國子司業周玉為祭酒

戊子太常寺丞趙繼宗為少卿故羽流

傳陞刑部左侍郎王鑑之右侍郎林洋各俸一級

曉刻月犯井宿

己丑旱災免山東夏稅有差

辛卯戶部左侍郎王佐大理寺右少卿王鼎錦衣衛指揮僉事周賢以勘魏國公徐備無錫庄田盡還備而巡撫右副都御史艾璞巡按御史曾大有等以扶同下鎮撫司獄尋杖璞五十徙其家海南備無錫賜田年久失業奸緣許祿導訟賂瑾遂成大獄

遼東總兵署都督僉事韓輔政中府薊州總兵署都督僉事溫和改左府

甲午後府右都督毛倫為征，前將軍總兵鎮守遼東錦衣衛都指揮僉事劉祥為署都督僉事總兵鎮守薊州

乙未翰林侍讀朱希周疾愈還朝

故都督同知葉廣子蕃襲錦衣衛指揮僉事廣起總旗歷都指揮使非軍功例不嗣蓋特恩也

錦衣衛都指揮同知高得林奏收餘丁五千人充役從之自是坐食益滋

丙申寧夏餉匱增兩淮鹽引十萬兩浙七萬長蘆三萬

丁酉特贈御馬監太監丘聚司設監太監馬永成御馬監太

監魏彬父俱錦衣衛指揮使予祭一闕人濫恩前未有也

戊戌翰林編修魯鐸為國子司業

己亥^初武城中衛軍餘鄭旺女入宮弘治末旺陰結內使劉山

求自通山言周太后宫鄭金蓮即若女為東駕所從出

孝廟聞而磔山於市旺論死尋赦免至是仍矯浮言有王璽利之潛入東安門云國母鄭氏幽若干年欲面奏東廠執以聞窮治寘極典

談遷曰宮禁秘密至於震器發祥典至重也貪夫覬倖固不足言其後逆濠指斥乘輿云抱養異姓厚誣孝廟未

必非鄭旺劉山兆之也

十月辛丑大學士焦芳乞先人祭葬予之

癸卯陝西道監察御史許讚改翰林編修父進冢宰避嫌給事中詰改檢討又改讚

甲辰守備劉家口左監丞高永求兼分守燕河營特許之
寧夏地震

乙巳英廟貞妃王氏薨年八十一謚榮靖

萬全都司開平衛地震有聲

奪監察御史金洪刑部員外郎趙廉官罷右副都御史張泰

初陝西三水人趙恕婦梁氏外淫謀殺恕論死已恕他坐入

獄通梁氏有身因自誣服洪按閩中罪梁氏杖季春代洪仍

論死廉錄囚擬如洪復移御史秦昂鞠之如春擬故洪廉坐

譴張泰失於叅駁也春候補京秩瑾蓋行意風示諸司

己酉擇孔氏二人官學錄主尼山洙泗二書院

辛亥四川道監察御史鄭陽勘徽王莊田忤瑾下獄謫旌德

主簿

夜月犯昴宿

壬子大理寺右少卿藍章為左僉都御史巡撫寧夏

乙卯右副都御史張鷟為大理寺卿

夜月食

丙辰授孔聞禮翰林五經博士主鄒縣子思廟

濟寧魚臺星隕天鼓鳴

丁巳前大理左少卿劉獻為左僉都御史巡撫遼東

己未京師武弁二萬三千九百八十八人秋俸三十九萬四千七

百十三石折九萬一千六百七十一金有奇冗食始極

吉王見浚乞湘潭商稅不許

辛酉總督兩廣右都御史陳金奏田州岑猛悔罪不欲赴平

海衛求從征自效改近地許之逮叅政謝湖受猛餽徇其請

是日至丁卯辰刻木星見午位

壬戌巡撫延綏右副都御史曹鳳還院

南京江西道御史郭決憂去合符不謹謫豐城知縣

癸亥文華殿辦事光祿寺卿張駿為禮部尚書尚寶司丞周

惠疇為光祿寺卿大理寺評事楊立為太僕寺卿高岱奏

為鴻臚寺左少卿鴻臚寺丞華英為光祿寺少卿中書舍人

紀世梁朱天麟為太常寺丞高榮為尚寶司丞以改錄通鑑

纂要成也

甲子寧夏衛星隕有聲

丁卯上謚 貞惠安和景皇后

安仁伯王濬平濬上元人 孝貞太皇太后之季弟其兄源

瑞安侯清崇善伯皆謹慎守禮濬贈安仁侯

己巳山西左布政使杜忠為右副都御史巡撫延綏

十月二庚午朔 上親視郊牲

密雲右叅將吳玉為署都督僉事總兵鎮守薊州永平山海

萬全右衛左叅將孫成為副總兵分守遼陽

辛未周府鎮國將軍安池嗣河陰王蜀府鎮國將軍申鏃嗣

慶符王自秦府保安王誠激兄終襲爵各藩伯例俱聽之祿

給益不可支矣

壬申水災免遼東屯租有差

甲戌巡撫寧夏左僉都御史監章乞肩輿涉嶺詔責其自便

請撫州通判按察使曲銳為左僉都御史巡撫寧夏

巡按直隸監察御史趙斌清宣大地八千九百餘頃

復張錄吏部文選郎中

乙亥上入定遠後衛長靜等堡降都指揮武欽千戶鄒璋李

綱

丙子守備山海關楊泰特陞叅將鎮守塞雲古北口

丁丑山西奉國將軍奇濽訐奏僉事李情下獄謫鄖陽驛丞

戊寅朝鮮國王李愜痼疾弟晉城君懌署國事母妃表請封

懌朝鮮國王遣太監李珍往

辛巳一千五百餘騎入涼州永昌等堡

壬午諭旌寧王宸濠孝行加歲祿二千石賜袞龍飛魚文綺

各三匹仍書示宗室蓋逆瑾受賂厚報之驕橫日甚

乙酉巡撫宣府右副都御史劉璟為刑部右侍郎

山西布政司叅議呂鏜除名仍杖三十鏜前任南京監察御史

同李熙王蕃晉安甫葛浩姬學禮陸崑論武昌知府陳海

不謹失實俱下獄

西安左衛指揮僉事楊宏為署都指揮僉事守備固原初改

守備為備禦至是仍改守備

戊子太原地震

己丑四川布政司左叅議張宦與順慶知府張賢不相能各

勒免

庚寅寧夏大沙井驛草燬十四萬卷千束詔逮前巡撫右僉

都御史劉憲下鎮撫司

鎮守甘肅太監鄧玉徵還南京開任以都知監太監楊定鎮

甘肅

亭郊翰林院庶吉士閔楷服除授禮科給事中

錦衣衛都指揮同知于永致仕工召永女以鄰女進懼泄

自免子承襲指揮同知永專導淫上雖習其術不能恒御

女致有宗祧之恨

顯靈宮右正一劉雲徽初封真人已被革至是復其印誥

壬辰從承庫運太監秦文之奏開浙江福建四川銀礦

吏科給事中張瓚往四川刑科給事中林文迪往宣府覈餉

給莊浪土官都指揮魯經符幟經奏乞兵部持不可不聽

甲午大同左副總兵溫恭為征西前將軍署都督僉事總兵

鎮守大同

乙未南京禮部尚書劉忠改南京吏部尚書吏部左侍郎江

淵為南京禮部尚書

張坤嗣安鄉伯

丁酉司禮右監丞高金戶部員外郎馮顯往沂州勘湮王所

請地土還劾淮安知府趙俊避事蕭山知縣周廂欺隱命各

下獄

故雲南都指揮同知劉桓先從征貴州坐陷平夷所擬戍宥
之子璽襲指揮使

罷平夷將軍甘肅總兵劉勝寧夏副總兵衛勇代之

東垣王祐樺嗣鄭王鄭簡王子十二嫡長見滋天孫祐於嗣

爵薨亡子簡王夫人張氏欲立子繁昌王見覆屢奏請以次

奪歲祿三之一



律